



ԲԱԶՄԱՎԷ՞Ղ

ՀԱՆԻՍԱՐԱՆ

ՀԱՏՈՐ ԽԸ

ՎԵՆԵՏԻԿ
ՍՈՒՐԲ ՂԱԶԱՐ

1890

ԲԱԶՄԱՎԷ՞Ղ ՀԱՆԻՍԱՐԱՆ, ամառեքք, կը հրատարակուի ամեն ամիս:
Ընկերացրտանն կըրոնատեղին է ՎԵՆԵՏԻԿ — Վանք Միքիբարեանց, Ս. Ղազար:
Բաժանորդագրենց է տարեկան 10 ֆունց կամխի վարելի:
© National Library of Armenia. OCR by Postmird

« ՀԱՆՏԵՍ ԱՄՍՕՐԵԱՅ »

ԲԱՐՈՅԱԿԱՆ, ՈՒՅՈՒՄՆԱԿԱՆ, ԱՐՈՒԵՍՏԳԻՏԱԿԱՆ

Դ. ՏԱՐԻ, 1890

Կը հրատարակուի Վիեննայի Միխիթարեան Միաբանութենէն ամէն ամի սկիզբը:

Տարեկան բաժանորդագիրն է 8 Փր. 4 բուրլի:

Հասցէն է՝

**RÉDACTION DE LA REVUE
«HANTESS»**

VIENNE (Autriche)

VII, MECHITHARISTENG. 4

Ք Ա Ղ Ա Ք Ա Կ Ա Ն Գ Ր Ա Կ Ա Ն Ա Կ Ա Ն

Ն Ո Ր = Դ Ա Ր

ԱՄՆԵՐԵԱՅ ԲԵՐԹԸ

ՓԻՃԱԼԻՍՈՒՄ

ՆԵՐԿԱՅ 1890 ԹՈՒԱԿԱՆԸ

(Եօթներորդ տարի)

Կը հրատարակուի լոյն դիրքով և ճրագրով.

Խմբագրութիւնը կը ստանայ և սեպհական հեռագիրներ:

Տարեկան գիրն է 10 բուրլի, վեց ամսուանը՝ 6 բուրլի, հատով՝ 5 կոպ.: Եւրոպայի, Թիւրքիայի, Ամերիկայի և այլ հեռաւոր երկիրների բաժանորդները վճարում են տարեկան 30 Փրանկ.

Բաժանորդ են գրուում իւրաքանչիւր ամի 1-ից միայն.

Թիֆլիսում բաժանորդ են գրուում միայն «Նոր-Դարի» խմբագրատանը:

Խմբագրատունը գտնուում է Բարձնկայա փողոցում, պօստ-հեռագրատան դէմ, տուն N^o 12.

*Օտար քաղաքներից դիմում են խմբագրութեան՝ Tiflis (Caucase)
Rédaction du journal « Nor-Dar ».*

Խմբագիր-հրատարակիչ՝ ՍՊԱՆԴԵՐ ՍՊԱՆԴԱՐԵԱՆ

1890

Բ Ա Ձ Մ Ա Վ Է Պ

Հ Ա Ն Դ Ի Ս Ա Ր Ա Ն

ՀԱՏՈՐ ԻՐ

ՆՈՑԵՄԲԵՐ

Հ Ա Յ Կ Ա Կ Ա Ն Ք

ՀԱՅ - ՎԵՆԵՏ

(Տես յէջ 337)



ՄԱՅԱՍՏԱՆԻ մէջ վեներտաց առաջին Պայլի յիշատակութեան կը հանդիպինք - ինչպէս ըսինք - յամի 1271. իսկ յանուանէ առաջին Պայլ՝ վեներտկոյ դիւանաց մէջ կը գտնենք՝ ի 1282 (յուլիս 22) զՄարինոյ Պատտեր: Բայց որովհետեւ զանազան գործք և վճիռք Հայ - վեներտկեան իրաց խառն են Պայլից անուամբ, ժամանակի կարգաւ այդ գործերը յիշատակելնէս յառաջ, դնենք նաև նոյնպէս ժամանակագրապէս Պայլերը, որչափ ծանօթք են մեզ, ի սուղ միջոցի իբրու վախճուն և հինգ տարիներու. յորմէ ետքը Այսայ գերութիւնն կամ աւերածն, և Հայոց իշխանութեան գեղեկութիւնն ու տկարանալը՝ դադրեցոյց նաև անոնց առաքումը յԱդրիական ծովուց իշխողէն:

1282 - 3

1285.

1286.

12..

1290.

1293.

Մարին Պատտեր

Լէոնարտոյ Ճիզի

Մարկոս Սինիոլոյ

Յովհան տէ Գանալի

Քազրաս Յուստինոս

Ենրիկ Տէլֆին

Marino Badoero.

Leonardo Gizi.

Marco Siniolo.

Giovanni de Canali.

Panerazio Giustino.

Enrico Delfino.

1296 - 9.	Մարինոյ Սինիոլոյ	Marino Siniolo.
1300.	Պօղոս Գուիրինոյ	Paolo Quirino.
1302 - 3.	Անդրէաս Սանուզոյ	Andrea Sanudo.
1304.	Յովհ. Բրեմարինոյ	Giovanni Premarino.
1306 - 9.	Նիկողոս Մորոզինոյ	Nicold Morosino.
1310 - 2.	Գրիգոր Տոլֆին	Gregorio Dolfin.
1313 - 6.	Գուստին Գուստինեան	Giustino Giustinian.
1317 - 8.	Փիլիպպոս Պարպարիկոյ	Filippo Barbarigo.
1318 - 9.	Պէլլէզ Տանտոլոյ	Beletto Dandolo.
1320 - 2.	Գովհաննէս Գարոզոյ	Giovanni Caroso.
1326.	Վլաս Մալիբիէրոյ.	Biagio Malipiero.
1328 - 30.	Պետրոս Պրակատին	P.etro Bragadin.
1333.	Նոյն Պետրոս	„
1333 - 4.	Մարինոյ Կրիմանի	Marino Grimani.

Այս թուականէն ետքը վճիռն ալ չի կրկնուիր. վասն զի Ա.ք.քեա քաղաք՝ քրիստոնեայ ազգաց հզօր մարտկոցը՝ կը բաղխի կը զարնը. սի յոխերիմ մեքենայից իրենց հաւառակորդաց. և իրենց մէ ամանց՝ ինչպէս կիպրոսի թագաւորին մատնութեանն ու այլոց թուրութեանը պատճառաւ՝ անզօր ու անարդասաւոր կ'ըլլայ ասպետաց արիական ու մահուչափ քաջութիւնը, և չեն կրնար ազատել զայն և յերկարել արևմտեայց և բովանդակ խաչակրութեան ապահովութիւնը յարեելս. որով ալ հարկ չի մնար Ա.ք.քեայի ուերակաց վըրայ Պայլ մը կարգել. իսկ Հայաստանի մէջ նստողին պէտքը հոգալը՝ ծերակոյտը ուղղակի իր վրայ կ'առնու, ու 1289 տարւոյն օգոստոսի 15 թուականաւ տրուած վճռով մը՝ կը սահմանէ անոր թոշակը մերձ ընդ մերձ հատուցանել. և ի 1301 սեպտեմբեր 14 հրամանագրով՝ կ'որոշէ ամէն ամիս ընել այն հատուցումը. և նոյն տարւոյն օգոստոսի 13 ին կը վճռէ որ ի դիւրութիւն իւր գանձուն՝ նոյն հրապարակին վրայ գանուող վենետացի վաճառականք պարտքկան ըլլան տուրք տալ՝ մի առ հարիւր բիզանդ. և որովհետև տրոց հաւաքման պաշտօնեայք (Vicedomini Ternarie) վաճառաբերից վրայ խստութեամբ կը հսկէին, նոյն ինքն Պայլին խնդրանք՝ քառասնից ժողովը կը վճռէր (1292, յուլիս 1) որ այդ տուրքը հատուցողաց թոյլ և դիւրութիւն ըլլայ իրենց բռնիքը ցամաք հանելու. ժամանակաց համեմատ՝ սահմանեալ սակն ալ փոփոխութիւններ կրեց, մերթ հատուցանելով երկու առ հարիւր, և մերթ ալ Հասարակապետութեանէ բոլորովին պատուութիւն ընդունելով առանց տրոց ներս մտցընելու իրենց ապրանքը:

Հայաստան նստող Պայլից կարգը նշանակելնէս ետք, որչափ կարելի եղաւ մեզ գտնել և ստուգել ի դիւանական գրութեանց, աւելորդ չենք համարիր մէջ բերել նաև այն խօսքերը՝ յորս կը յիշատա-

կուին անոնց ընտրութիւնք կամ փոփոխութիւնք, Այսասայ մէջ կե- նայնուն կամ անկէ հեռանալու համար տրուած հրամանները, իրենց ոռոճկին ու ի վաճառականայ պահանջած սակին և տրոց չափը. բնա- կութեան համար սահմանուած տանց շինութիւնք կամ նորոգու- թիւնք, և այն պատճառաւ և նպատակաւ եղած զրամական փոխա- ութիւնք, և այն. նմանապէս՝ Պայլից հրամայուած կամ յանձնը- ւած առանձին և մասնաւոր պաշտամունք և գործք, ինչպէս երթալ առ թագաւորն Հայոց, և կամ վենետկոյ դքսերէն տրուած կամ առ- նուած ծանօթութիւնք և տեղեկութիւնք, եւ որպէս զի այս այլ և այլ տեսութեանց համեմատ՝ հարկ չըլլայ կրկին և կրկին դառնալ, կամ ժամանակաց հետ ելևէջ ընել, ժամանակագրական կարգաւ գնենք՝ ինչ որ նախախտակեալներէն զատ և որիչ՝ գտեր ենք Հա- յաստան նստող Պայլից վերաբերեալ:

Յանուանէ առաջին յիշատակուած Պայլ կը գտնեմ յամի 1283 (22 յուլիս) զՄարին Պատուէր, որուն թոյլտուութիւն կ'ըլլայ իր ընկե- րակցաց խորհրդակցութեամբ փոխառութեամբ դրամ հայթհայթել, և այնպէս ձեռք զարնել ի նորոգութիւն բնակութեանն:

1285, յուլիս 5. Նոյն հրամանը կը տրուի նաև Լէոնարտոյ ձի- ցի Պայլի:

1287, յուլիս 31. Պայլին պատուէր կը տրուի որ իր տեղէն չհեռա- նայ:

1288, օգոստոս 6. Թոյլտուութիւն փոխառութեան, որպէս զի կա- րող ըլլայ նորոգել և պահպանել իր բնակութեան տեղուանքը:

1289, յուլիս 26. Մարկոս Սինիսիոյ Պայլին յաջորդ կը նշանակուի Յովհաննէս Գանալ: Անոր հրաժարելովն ի յանձնառութենէ պաշ- տամանն՝ քիչ օրէն (օգոստոս 18) Բագրատ Յուստինեանի կը յանձ- նուի պայլութիւնը, որ 2740 հայկական նոր դրամոյ փոխառութիւն մը կ'ընէ: Ոյս դրամոց վրայ պիտի խօսինք ի կարգին: Տարին չլրացած՝ Յուստինեանն ալ կ'արձըկուի ի պաշտամանէն. և ինչպէս Սինիսիոյ իր նախորդը, ինքն ալ կը պահանջէ ոռոճկին մնացորդը:

1293, մայիս 16. Մասնաւոր վճուով մը կ'որոշուի փոխառութեամբ վճարել Կնրիկ Տոլֆինոյ Պայլին թոշակը:

1300, հոկտեմբեր 10. Արձակուրդ կը շնորհուի Պոզոս Գուիրինոյ Պայլին: Նոյն տարւոյն ապրիլ 2 հրամանագրով մը վճիռ տրուած էր որ առ Մատթէոս Կանգիլիոյ պարտքն հատուցուի:

1302, յունիս 5. Հրաման առ Պայլն Անգրէաս Սանուտոյ 1500 դը- րամ փոխառութեան, Յաջորդ տարւոյն մարտ 21 թուականաւ վըճ- ուով մը թոյլ կը տրուի նմա երեք ամիս կենալ ուր որ ուզէ, ի Հայս կամ ի Կիպրոս: Սանուտոյի ժամանակ նոր օրինադրութիւն մը կ'ըլ- լայ առաքման Պայլից ի Հայաստան (1303, օգոստոս 26): Քանի մը օրէն ետքը (սեպտեմբեր 1) ինքն ալ կ'արձըկուի ի պաշտամանէն:

1304, յունիս 10. Յովհաննէս Բրեմարինոյ Պայլ կը դրուի: Իրմէ ետքը կը յիշուի Նիկողայոս Մորոզինոյ. և հաւանական կը թուի ինձ որ իր ընտրութեան ժամանակ (1307) կը սահմանուի որ Սանուտոյի տրուած թոշակը իրեն ալ տրուի նոյն չափով. և եթէ Հայոց թագաւորին և Հասարակապետութեան մէջ եղած քանի մը խնդիրք կարգի չդրուին, Պայլի թոշակին վրայ յաւելուած մ'ալ ըլլայ քսան լիպրէ կրօսից: Իրմէ ետքը Պայլ գրուեցաւ Գր. Տէլֆին, որ ապա և զեասպան փոխանակ Յովհաննու Ֆոսպարինի վախճանելոյ 1310, ապրիլ 21, մայիս 13: Ինչուան իր ատեն զեռ վճարուած չըլլալով, առեանը կը վճռէ որ Բագրատ Պայլին ձեռքով ի Հայս եղած ծախքն հատուցուին, զոր ստիպուած էր ընել նորոգելով տունը և նոր տուն մ'ալ գնելով, և երեք հարիւր դրամոց ծախք մ'ալ ունէր թագաւորական հրամանագրի մը ստացման համար, որպէս զի անարգել կարող ըլլայ երթալ ի բերդապահութիւն Կորոնի: Իսկ Գր. Տէլֆին նոր Պայլին ալ կը շնորհուի 1310, յունիս 3, ի հաշիւ Հասարակապետութեան սնեցած յիւր սեպակական ընչից ծախել որչափ պէտք ըլլայ ի շինութիւն մթերանոցաց: Առ նոյն Տէլֆին կը գրէր դուքսն 1310, յուլիս 23, ծանուցանելով Թիէբոլցի դաւաճանութիւնը: Եւս միոյ ամի 1311, յուլիս 17, հրաման տրուեցաւ իրեն որ Պէմպոյ կարօթի վաճառարքը նաւաւ կարող ըլլայ դառնալ ի վենետիկ, Բայց յաջորդ տարւոյն մէջ զեռ ևս կը գտնուէր նա յԱլյաս, և վաճառականական խնդրոց և նիւթոց վրայ կը գրէր և կը ծանուցանէր առ դուքսն. սակայն նոյն տարւոյն կէսէն արձկուած էր ի պայլութենէ, ինչպէս կը տեսնուի Հասարակապետութեան մէկ վճռէն, 1312, օգոստոս 10, որով կը հաւանի որ 1500 կան 1700 դրամով տուն մը գնէ ի Հայս: Իր յաջորդն եղաւ Թոմ. Սորանոյ, որում պիտական գործ մը յանձնուեցաւ առ թագաւորն Կիպրոսի. և երկու տարուընէ ետքը ինքն ալ արձակեցաւ ի պաշտամանէն 1314, մարտ 16, Յաջորդեց զնա Յուստ. Յուստինիանի. առ որ մասնաւոր վճռով հաւանութիւն տուին 1314, օգոստոս 12, որ կարենայ մինչև աասն լիպրէ ծախել ի նորոգութիւն եկեղեցւոյ սրբոյն Մարկոսի. և որովհետև քանի մի խնդիրք կային ի ժամանակին Հասարակապետութեան կողմանէ կարգադրելիք, բայց ոչ այնչափ որոշ և բացայայտք, յանձնեցաւ զքսն 1314, օգոստոս 20, որ հարկաւոր տեղեկութիւնն ըր տրուին Պայլին այդ խնդրոց նկատմամբ: Նոյն օրուան վճռով թոյլ տրուեցաւ Յուստինիանու որ կարենայ կրետէէն խար կամ առ նասնոց բուս բերել տալ: Եւս իբր երկու ամաց 1316, ապրիլ 22 հրաման ըրին որ 100 սառակիւնեան բիզանդի փոխառութիւն մը ընէ: Նոյն տարւոյն օգոստոսի առաջին օրը ինքն ալ ազատ եղաւ ի պայլութենէ. և յ'31 ամսոյն կը սահմանուին յանձնարարութիւնքն առ յաջորդ նորա ֆիլիպպոս Պարպառիկոյ, և ընծայք առ թագաւո.

ըրն Հայոց: Ի սկիզբն յաջորդ ամին հրաման կը տրուի իրեն, 1317, յունուար 23, հարիւր բիլյանդ դրամոց գումար մը ծախել ի նորոգու- թիւն տանն. և այս նպատակաւ հինգ լիւրայ կրոս կը յանձնուի ի դի- մաց պետութեան: Վրան տարի ու կէս անցնելէն ետքը, 1318, սեպ- տեմբեր 8, կը ծանուցուի արձակուրդն ի պաշտամանէն, և թէ ար- դէն օգոստոս 24 թուականաւ տրուած հրամանագրով մը յաջորդն ալ սրտուած էր՝ Տանտոլոյ Պէլլէդդի: Սճա յաջորդեց Յովհ. Գարո- ղոյ 1320. Բայց Օշին թագաւորին մահուան լուրն հասնելով՝ խափա- նեցաւ, 1320, սեպտ. 20, երթն յԱյաս, մինչև յետ միոյ տարւոյ կրկին հաստատուեցաւ և պաշտաման տեղին երթալու հրամանն տրուեցաւ 1322, փետր. 25, ինչպէս նաև երկոտասան կրոսից գու- մար մը ծախելի ի նորոգութիւն տանն: Այդ վախճանաւ յետ երից ամաց 1325 զրկուեցաւ և փայտ ի վենետկոյ. Բայց չեմ գիտեր թէ Գայլ ի ժամանակին, Գարոջ թէ այլ ոք, Բայց յետ վերջնոյս յա- նուանէ Գայլ կը յիշատակուի Վլաս կամ Պիսիճիոյ Մալիբիէրոյ, որ յամի 1326 յինն յուլիսի առաքեցաւ պատճենիւ նոր պարզեազրի մը կամ դաշանց Լեւոն Դ Ռուբինեան թագաւորի: Վլասայ յաջորդն եղաւ Պետրոս Պրակատին 1328, որում կը յանձնուի այլ և այլ խնդ- րոց վրայ խօսիլ ընդ արքային Հայոց. պատուէր կ'ընդունի օտար տուն չքնակելու. կը յիշուի նաև արձակուրդն յամի 1331 ի 29 յու- նուարի: Ի նմին ամի Ատենին մէկ վճիռը կը նշանակէ գնախորդն Վլաս վախճանեալ ի Հայս, և անոր որդիքը, և կը պատուիրէ Պայլին (Պրակատինի կամ ուրիշի մը) մեռնողին ժառանգաց շնորհել երկու առ հարիւր ի սակէն: Նոյն հրաման կը կրկնուի և ի 1332 յեօթն յուլի- սի տրուած վճռով:

Պրակատինի գործոց մէջ նշանաւոր և հետաքննական է տեղեկու- թիւնը՝ զոր տայ Հայոց նոյն ժամանակի, 1330, վաճառականութեան հանգամանաց վրայ, ինչպէս քիչ ետքը պիտի տեսնենք վաճառակա- նական յարաբերութեանց յիշատակարանաց մէջ: Երևի նա իբրև Պայլ նաև 1332 թուականին. կամ ան է որ արձակմանն ի պաշտա- մանէ վճիռն ընդունելէն ետք ալ դեռ յԱյաս կը գտնուէր, և կամ դեռ նոյն գործով կը զբաղէր: Բայց յաջորդ տարւոյն մէջ կը յիշուի վերջին Պայլը՝ Մարինոյ կրիմանի 1333, մայիս 13, որում և կը շնոր- հուի նոր տուն մ'ալ գնելու հրաման. և որ կը կրկնուի յետ միոյ տարւոյ 1334, օգոստոս 13. և նոյն օրը գարձեալ ուրիշ պատուէր մ'ալ կ'ընդունի, ծանուցանելու համազգի վաճառականաց որ Լեւոն Դ թագաւորի նոր պարզեազրին վերահաստատութեան պայմանաց համեմատ, 1333, նոյեմբեր 10, իրենց արծաթոյն կէսը պարտական են դնել յարուանի փողերանոցին, ինչպէս կանխաւ և նախընթաց դաշ- նագրով մը սահմանուած էր:

Ալ այս թուականէն ետքը չկայ վենետաց Պայլին անունը կամ

գործ ի Հայս և յԱյս քաղաքի. Իսան զի այս երկու ազգաց շահու աղբիւրը գրաւեցաւ յեզիպտացւոց ի 1337. և թէպէտ անգամ մ'ալ յաջողեցան Հայք թափել ազատել զայն ի թշնամոյն, բայց կարճաւ տեւ եղաւ այն նշոյլն. նաւայ երթնեկք ալ, ինչպէս քիչ ետքը պիտի տեսնենք, շուտով դադրեցան. և Ռուբինեանյ ուղղաբուն յաջորդութեան բեկմամբ՝ Լեւոն Գ թագաւորի մեռնելովը 1342, որոյ վերջին թուղթն առ զուրքան Վենետկոյ տրուած է յամի 1344 մարտ 1, գրեթէ դադրեցան Հասարակապետութեան յարաբերութիւնք՝ ընդ նւաղեալ և շիջելափառ պետութեան Հայոց, որ դեռ երեսուն և հինգ տարի ալ շարունակեց: Այդ միջոցին մէջ անկարելի կ'երևնայ որ վենետք գլխ իրենափոխան մը ունեցած չլլան ի Հայս, ուր կային տակաին մանր նաւահանգիստք և վաճառականութեան պատկանաւոր տեղիք. բայց ոչ դիւանաց և ոչ պատմութեան մէջ անոնց յիշատակութեան չենք հանդիպած: Հնար է որ կիպրոսի Պայլին յանձնուած ըլլայ այնուհետև ՚ի կիլիկիա մնացող վենետացի գաղթականաց խնամքն. վասն զի այս միջոց ժամանակի մէջ ալ վենետաց նաւարկութեան յիշատակը կ'ըլլայ, ինչպէս պիտի տեսնենք հետեւեալ գլխոյն մէջ:

ՆԱԻԱՐԿՈՒԹԻՒՆ ՎԵՆԵՏԱՅ Ի ՀԱՅՍ

Վենետաց աշխարհահռչակ վաճառականութեան քննութեամբ պարագողաց՝ յայտնի է թէ ինչպէս սովորութիւն ունէին տարուէ տարի պատրաստել ու շինել այլ և այլ տորմիզս նաւաց՝ երեք, հինգ, եօթն, ութ, տասը և աւելի ևս թուով. և տարւոյն սահմանեալ եղանակաց մէջ ընդ որոշեալ շաւիղս և կայարանս՝ ուղղել ի զանազան շահաստանս աշխարհաց և պետութեանց. ի Պոլիս, ի Կրետէ, ի կիպրոս, յԱղեքսանդրիա և ի Հոլանտա, և այլն. նմանապէս որոշուած էր առաքել և ի Հայս, յաշխարհամուտն Այսա՝ Իբրակուտին վճռոյ մէջ՝ ինչպէս ուրիշ տեղեաց, ստէպ կը յիշուին նաև հայագնաց տորմիզք և անոնց թիւը՝ 1278 թուականէն ցլբրջ հայկական պետութեան յերրորդ քաւորդ չորեքտասաներորդ դարու: Մեր այս խօսքը կը հաւատարմացրնեն բազմաթիւ վճիռք և հրամանագիրք, զորս ըստ ժամանակագրական կարգի և խնամով հաւաքեր ենք ի պետական դիւանաց, ու աւելորդ կը սեպենք կարգել առ տեղեաւ: Մեծ փոյթ ունէին յընտրութիւն նաւապետաց կամ գլխաւորաց տորմիզքն. նաւարկութեան վաճառականք ալ օրինաց խստութեան ենթարկուած էին, չտալով թոյլ կամ հրաման ում և իցէ՛ ինքնակամ և առանց քննութեան նաւարկել. առանձնական նաւուց ալ հազիւ հրաման կ'ըլլար ընկերել նաւատորմին:

Սահմանուած էր նաևուց չափն ու ձևը, ինչպէս նաև նաւաստեաց թիւը՝ որ քսանուհինգէն պակաս պիտի չըլլային. ծանօթագոյնք՝ կալեա կոչուած նաւքն էին, և զոր Հայք ի գիրս իւրեանց խաչէ Khale կ'անուանեն:

Յաջող ատեն՝ տարւոյն մէջ երկու անգամ կամ կրկին տորմոզք նաւուց կը զրկէին. մին յետ զատկի, և միւսն որ յաճախագոյն կը հանդիպէր քան զառաջինն, օգոստոսի կէսէն ետքը կամ ի սեպտեմբերի. բայց երբեմն ժամանակին զիպաց համեմատ կ'որոշուէր առաքումն տորմոզին:


Ատենական վճիռք ծերակուտին կը սահմանէին նաւատորմին երթալու ճամբան, կամ՝ նաւահանգիստներն ուր պիտի սպասէին կամ ընկերէին այլոյ տորմոզի:

Կը յիշուին երբեմն և նաւողչէն կամ բեռանց սակ՝ զոր պարտէին տալ առ նաւապետն կամ ծովապետ ի հաշիւ տէրութեան:

Տորմոզին կենայլու և գաղաբելոյ ժամանակը՝ ուր որ ուղղուած էր և որոյ անուամբը կը կոչուէր, սովորաբար սակաւօրեայ էր, ինչպէս տամնուհինգ կամ անկէ ալ քիչ օր, բաւական բեռինքը և վաճառականները ցամաք հանելու համար, և նոր վաճառք և վաճառականներ առնուլ:

Դուն ուրեք կը յիշուին չափք և կազմածք բեռանց:

Շարունակելի



Հ Ա Յ Կ Ա Կ Ա Ն Ք

ԴԷԶԱ ԻՏԱԼԱՅԻ ՀՈՅԱԳԻՏԻՆ ԲԱՆԱԽՈՍՈՒԹԻԻՆԸ

Վ ժամանակակից իտալացի հայագիտաց մէջ բազմաճիւղային և արդէմ մեր ըմբերող ղաց ծանօթ է, Դէզա, (Emilio Teza) ուսուցիչ Քիմ և դասական լեզուաց ի հա մալուարամիմ Պատուայի. ամսօք յառաջ բանախօսութիւմ մը ըրաւ Վենետկոյ Դպրութեանց, Ուտանց և Արուեստից կանոնիմ մէջ (Istituto di Scienze, Lettere ed Arti) Հայկական Կիւթոց վրայ (Cose Armene), և որոյ բովանդակութիւնը կը համառօտենք յօրագրիս, կանխելով ըսել՝ որ յամենայնի համամիտ չեմք հետը, մա նաւամի սրտիմ ազնուութեամ արդիւնք բացատրութեանցը:



Մ ԻՆՍՏԻԿՈՒԹԻՆՆ մը ընելով այն հիւրամեծար ասպնջա կանութեան զոր գրեթէ երկու դար յառաջ վենետ կոյ Հասարակապետութիւնն ընծայեց՝ արեւելէն հոն գիմող հոյ միաբանից ուխտի մը, կը յաւելու.

« Հասարակապետութիւնն չէր կրնար յուսալ թէ ի կղզեկէն՝ զոր մարդասիրաբար կը նուիրէր նոցա, այնչափ լոյս պիտի ծաւալէր թէ արեւելից և թէ արևմտեայց. և բանիրուն ուսուցչաց երկար շարք մը՝ հրատարակելով ու ծաւալելով հին մատենագրաց երկասիրութիւն ներ, քաղաքական ու սրբազան պատմութեանց յիշատակարանները պիտի աճեցընէին. նորոգելով լեզուն՝ և մաքրելով յեկամուտ նորա ձևութեանց՝ գործի մի պիտի ընէին զայն քաղաքակրթութեան՝ կրկ նելով ու համառօտելով ինչ որ յԵւրոպա շատերը գիտեն, և որովք կ'օգտուին թէ ի Հայաստան և թէ անկէ դուրս բնակող Հայք: Ուս տի մեծ եղաւ փոխարինութիւնն. և մեր հարց ծերակուտին խոհա կանութեան արդիւնքը կը վայելէ, և կ'ուղէ վայելել համօրէն Իտա յիա. և պիտի չհանգուրժէ՝ եթէ երբեք օրինաց բժախնդրութեամբք այս գործասէր օտարականք՝ մեր հայրենեաց բնակութեանէն սկսին ձանձրանալ...

« Ատեն մը բարգաւաճ էր արուեստ տպագրութեան նաև ի դաղթա կանութեան Յունաց որ ի վենետիկ, և որք հիմա յազատ թագաւո րութեանն զոր ունին՝ լաւագոյն կրնան օժանդակել իրենց եկեղե ցական պիտոյից. սլաւ ժողովրդոց համար ալ կը հրատարակուէին ի վենետիկ այլ և այլ հատորներ, թէ աստուածաշունչ գրոց և ծի սարանի հին լեզուո՛ր, և թէ ի դալմատական ափունս գործածական սերպ — խրուաթական բարբառով. Հասարակապետութիւնն փոյթ և

խնամք ունէր նաև երբայցեցի դպրութեանց... միայն Հայք ինչուան հիմա մնացած են. և որ ըստ օրէ աւելի կը տարածուի և կ'աճի իրենց համբաւն ու ազդեցութիւն:

* * *

« Հայկական մատենագրութիւնն, եթէ քննելու ըլլայ մէկը անոր սկզբնաւորութիւնն ու ընդարձակուիլը, բոլորովին եկեղեցական է. թէ ի մեկնութիւնն աստուածաշունչ տառից, թէ ի պաշտօնասէր և յեռանդուն երգան, թէ ի խրատական ուղղեալս առ վանականս և առ աշխարհիկ որեալ, ինչպէս ի պատմութիւնն և ի վարս եպիսկոպոսաց, անապատականաց և սրբոց: Թէպէտ թէ յաղթական և թէ պարտեալ ազգին քաղաքական կենաց, պատերազմաց, արկածից և դժբաղդութեանց՝ տարեգիրքն ալ խնամքով և սիրով կը հաւաքէ, սակայն աւելի սրբավայրիւն կը զբաղի պատմին, մասնաւոր փութով մը և նպատակաւ, միացնելով միշտ իրարու հետ թագաւորաց կեանքը ընդ քահանայապետականաց:

« Աստուածաշունչ գիրք՝ առաջին ընձիւղ կամ սկզբնաւորութիւն են, ինչպէս նաև ուրիշ ազգաց մէջ. բայց առ Հայս թէ՛ ուղղիչ է այն խղճի և թէ՛ միանգամայն գերազոյն վարժապետ մատենագրաց: Նոյն ռճով սկսաւ և շարունակեց նաև ասորականն. յերբայականէն՝ որ քոյր լեզու էր, օրինակը կ'առնուր, և կ'օգտուէր, ինչուան վրայ հասաւ օտար դպրոցի մը՝ հելլենականին ազդեցութիւնն, և վճիտ ու մաքուր ջուրն պղտորեցաւ: Գերմանական ցեղից մէջ՝ գոթականն ալ՝ նոյն հիման վրայ հաստատեց շէնքը. սակայն շինութիւնն անկատար մընաց, և այսօր աւերակքն միայն են որ կը զարմացընեն զվեղ...

« Պատմութենէ կը սորվինք թէ ինչպէս Հայք չուտով ետ կեցան ի գործածութենէ ասորի տառից. և իրենց կիրառութեանն համար նոր այբուբեն հնարելով, հետևողք Սահակայ պարթեւի և Մեսրոպ պայ, մատենագրաց անխոնջ խումբ մը կազմեցին, և յունական եօթանասնից օրինակէն՝ հնոյն, և նոր օրինաց զրոց ալ՝ զարդարուն և պերճ ռճով թարգմանեցին զաստուածաշունչ տառս: Շատ ձեռքեր ու մտքեր անոր վրայ աշխատեցան ու յոգնեցան. լեզուն ալ պատշաճեցընելով իրեն համար դեռ ոչ սովորեալ գործոյ թարգմանութեանն. որով կարծես թէ ամբողջն մէկ ձեռքէ և զրչէ ելած աշխատարուութիւն մ'է: Ասոնք թարգմանիչք կոչուեցան, և հինգերորդ դարուն իրենց անունն ընծայելով՝ անոր փառքն ալ եղան: Իրենց երկասիրած Սուրբ Գրոց ռճն՝ յաշորդացն ալ հետևողութեան և նրմանութեան օրինակ մը զարձաւ: — Նուիրականն մերժեց կամ նուաճեց զարտաքին մատենագրութիւն. ժողովրդական երգերը լեցեցուց, և երևակայականին պէտքը մասամբ եւեթ գոհ ուզեց ընել հոգևոր

երգովք քահանայից և պաշտամանից եկեղեցւոյ. վիպասանականն կամ դիւցազնական՝ չհուշակեց իր երգերովը զարարս և զգործս նախնեաց և զդիւցազնաց. ի թատերաց հեռու փախան՝ իրրև ի տեղեաց ուր վտանգ է ապականութեան բարուց. արձակ շարագրութեան մէջ փայլեցաւ իրենց արուեստը դարձուածնեղովն, նկարագրութեամբք և համանուն համանշանակ բառից ճոխութեամբ: Արձակ լեզու մը՝ որ կարծես զոհ և հաճ իրեն գեղոյն և շնորհաց վրայ, հազիւ երբեք անպաճոյճ, ազատ, համառօտ ու կտրուկ կերպարանաց տակ կը ներկայանայ. քիչ է ի նմա այն երիտասարդական կտրով՝ զոր զարուց ընթացքին մէջ կ'ընդունին մատենագրութիւն և գրիչք ի ժողովրդական լեզուէ, և ի զանազանեալ՝ բայց ոչ յերկիւղագին մշակութենէ աշխարհիկ որբերոյ, երբ տապալեցաւ ինկաւ հզօր թազաւորական իշխանութիւնն, և ստուեր մի ևեթ մնաց ի վերայ միջերկրեայ ասիանց, տխուր կերպարանք առին նաև քաղաքական կենսք, նուազեցաւ եռանդ նաև ի քահանայական դասակարգի. և մատենագրութիւն՝ ոչ ևս էր ընտիր թարգման ամենայն զգացմանց և մտածութեանց մարդոյ:

* * *

« Այս մտաւոր կենաց միւս այլ էջ կը ներկայացընէ մեզ գըրաւորական նոր երկասիրութիւն մը՝, պատմելով թէ հաղար տարուան գործունեայ շրջանի մը մէջ ինչ ընծայեցին Հայք իրենց հայրենակցաց, հաւաքելով անտի ուր աւելի կենդանի, վճիտ և առատ էին ցայտը և վտակը ջրոց: Ուրիշ տեղ հետևողք և նմանողք ունեցած եմք. հոս թարգմանիչք, և միայն ի նախնեաց. և որոց առջև կը բանային իրենց մտաւորական գանձերը Յոյնք, Ասորիք, Արարացիք և լատինք. այս վերջինները քիչ թուով և աւելի ուշ. սակայն ամենուն մէջ նախապատիւք՝ ինչպէս արժանն ալ կը պահանջէր, Յոյնք եղած են, ուսուցիչք վեհագոյնք, թէ թուով և թէ արժէքով:

« Ի՞նչ կը սորվեցընէ հայուն յունականը: Եռանդուն և անհամբեր ակնարկ մը կը ձգես այս ճոխ ցուցակին վրայ, ու կը զարմանաս և կը տրտմիս սիանգամայն: Մատենագրուց ու թարգմանչաց թափած այդչափ քրտանց մէջ, քանի սակաւաթիւ և անցողաբար են իմաստասիրաց և քերթողաց բանաստեղծութիւնք: Քիչ բան ի գրուածոց դպրոցաց պատակաւ և իրենց պսակը կորնցընող թագաւորաց՝ Արիստարեղի և Պղատոնի: Գրեթէ ոչինչ Հոմերի, Եսքիլեսայ ու Քանտոփոնի դարերէն՝ որոց վրայ այնչափ կը զարմանամք, չեն զարթնուր՝

1. Խորագիրն է, « Մատենագրան հայկական թարգմանութեանց նախնեաց », Դար Գ-ՃԳ. Վենետիկ, Ս. Ղազար, 1889.

ոչ ի վստմական ոլիմպիական երգոց, և ոչ ի բուռն զգածմանց Հիւպպոլիդեայ և Մեդեայ: Ո՛վ Յունաստան մ'է որ կը գրաւէ Հայոց սէրն ու հետաքննական ոգին. ոչ Դեմոսթենի և Խսկրատայ, այլ Ռսկեբերանի և Բարսոյի. ոչ ագոնն կամ հրապարակ՝ այլ տաճար. ոչ ատեանն՝ այլ խորան:

« Սակայն այս անձուկ ասպարիզին մէջ ալ ամփոփուելով, կրնանք քաղել բազմաթիւ ծաղիկներ և պարարիչ հասկեր. մերթ նաև հողմավար յարգը՝ որ հրապուրիչք են, վասն զի այն դաշտին մէջ ճարտար մշակն միայն կը քրտնի: Երբեմն ալ՝ թէպէտ ոչ այնչափ նշանուոր և բարձր երկոց, ժամանակը սկզբնագիրն յափշտակեր է, և հայկականին վրայ՝ որ երկիւղած կտակատար մը եղած է, կրնանք միւսանգամ ժառանգել յոյն, ասորի և հին աստուածխոսական էջեր. և միշտ ընթերցուածոց տարբերութիւն, որ հաւատարիմ թարգմանութեամբը՝ վկայութիւն մ'է բնագրոց, և որք ուրիշ կերպով պիտի կորսուէին: Բաց ի հմուտութենէն, որ միշտ անխոնջ և ներդրամիտ է՝ երբ օգտակար ըլլայ, սիրողաբար ականարկողին և ուսումնասիրելու ետևէ եղողին համար՝ նմանողութեան գանձ մ'ալ կը յայտնուի հոն: Իրաւ է որ հայագիտութիւնն այնչափ բաղդաւոր եղած չէ յերոսաքիչ մշակողք ունեցած է և ունի, որք աւելի դժուարին հետաքննութեամբ կը պարապին արևելեան ուսմանց ասպարիզին մէջ, թէպէտ և ոչ դոյզն գրդիւ պէտք էին ըլլալ խաչակրաց ժամանակը լուսաւորող, ինչպէս նաև վաճառականական այլ և այլ շարժմանց կարիք վաւերականք:

« Հայկական հին քարգնանդաշտներ երկասիրութիւնն՝ մեծ օժանդակութիւն և յորդորիչ մը կ'ուզէ ըլլալ. կը մնայ տեսնել թէ ինչպէս այդ գուռը բացած է հեղինակը, որ թէպէտ յառաջարանին տակ միայն անուան սկզբնատառիքն նշանակուած է, բայց ամենայն որ զիտէ թէ խմբագրողն, վանականաց սիրալիւ պարզութեամբ յանուանէ զնա կոչելով՝ է Հայրն Գարեգին:

« Իր ազգին փառաց, անոր լեզուին գեղեցկութեանց հաւատարիմ ու յարատև սքանչացող մը, և որուն պարտական ենք արդէն ընտիր և ճարտարախօս Հայկական մատենագրութեան պատմութիւն մը: Իր այս վերջին երկասիրութեան մէջ ալ ընդարձակ ոճով կը խօսի առաջին թարգմանչաց գործոյն վրայ, ասորի դպրութեանց ազդեցութեան նուազելուն, սուրբ գրոց և այն թարգմանութիւնն մինչև առ մեզ հասցընող գրչագիր օրինակաց վրայ, ցուցնելով անոնց իրաբու հետ վերաբերութիւններն ու յարգը. ընտիր ու ապահով տեղեկութիւններ կու տայ եկեղեցւոյ պաշտամանց մէջ գործածական գրոց նկատմամբ, և անուանական ցուցակ մը բազմաթիւ մատենագրաց որ թարգմանուեցան ի հայ: Այս օտարագրի մատենագրաց վրայ համառօտ տեղեկութիւններ կ'ընծայէ, որչափ կրնար պահան-

ջել երկասիրութեան նպատակը. հայ վերնադրին վրայ կը յաւելու յաճախ և գլունականն. և այս մասին՝ կը յաւէ ինձ՝ որ բառից ու շեշտերու մէջ տեղ տեղ աչք կը գոցէ վրիպանաց՝ փութալով ի վաստակն: Ամենայն գրուածոց առաջին բառերը նշանակուած են. և երբեմն նաև յիշատակարանք որ ի վերջ գրոցն դրուած են ի հեղինակաց և կամ ի թարգմանչաց: Անուանց և վերնագրոց՝ յաճախ նաև գաղղիակաճքն գրուած են՝ ի նպաստ անոնց որ հայերէն լեզուի տեղեակ չեն, չափազանց սիրելութեամբ անշուշտ. լաւագոյն էր թեքեւս ուրիշ լեզուի մը գործածութիւնն, ինչպէս լատինականին. բայց ասոր վրայ վիճելը ոչ օգտակար է և ոչ իրաւացի: Սակայն ուրիշ մասի մը վրայ աւելի խոստումադէմ և խիստ պիտի երկնամ, վասն զի մաւելի մատենագիտական մանրաքննութիւն փափաքելի էր տեսնել թէ հայ գրագրաց և թէ անոնց վրայ ի հմտից երոտպացոց եղած զբրուածոց և տեսութեանց: Խստապահանջ ևս յայնմ թէ նշանակուած և յիշուած գրչագիրքն ուր պէտք է փնտոել. յազդային մատենագարանին ֆարիդու, թէ ի Սուրբ Ղազար կամ յէջմիածին, ի Մոսկուա և կամ առ Անտոնեան Հարսի Պօլիս:

« Այսպէս նշանակեցի գրչագրաց այն գլխաւոր հաւաքմանք, զորս կը յիշէ Մխիթարեանն՝ օգտուելով անոնց ցուցակներէն, յորոց միայն էջմիածնի մատենագարանինը տպագրութեամբ հրատարակուած է ի թի? լիզ (1863). աշխատասիրութիւն, ոչ միշտ վերծ ի վրիպակաց, բազմերախտ Յակոբայ կարինեանց ուսուցչի:

« Հեղինակը փափաք կը յայտնէ որ ամենայն հայ գրչագրաց ընդհանուր ցուցակ մը յորինուի, և յաջողակ և հմուտ անձինք՝ միաբան խորհրդով և առաջարկութեամբ հասունացընեն այս մտածութիւնը, նշանակելով նաև յորինման կերպը. և թէ շատերը կրնան գտնուիլ օժանդակողք առ այդ օգտակար աշխատութիւն: Ղզլարեցի (Գէզա՝ Չմիւռնացի կը համարի զնա) հայագրոց մը, Գրիգորի (զոր Գէորդ կը կոչէ) առատաձեռնութիւնը՝ տարուէ տարի ճոխ մրցանակք կը վարձատրէ ու կը քաջալերէ հայկական ուսմանց վերաբերեալ գրուածները. ի Պօլիս, ի պատրիարքարանի Կրիգորեան Հայոց, բազմին դատաւորքն: Ահաւասիկ, ինչպէս իմաստութեամբ կը խորհի և կ'առաջարկէ հեղինակն, ընտիր ձեռնարկ մ'. որ արժանաւոր է և պէտք ունի օգնութեան: Այսպէս Հայաստան կ'ունենայ, և շուտով, ինչ որ ուրիշ ժողովեալ և բարգաւաճագոյն մատենագրութիւնք դեռ չունին. և հարկ է անոր ձեռք զարնել ի սկզբնաւորութիւն:

« Ազէկ օրինակ մ'է զոր կ'ը՛ծայէ Ռերլինի մատենագրանը, իր ունենցած հայ գրչագրաց՝ ու հայու մը ձեռքով կատարելապէս կարգի գրուած ցուցակը տալով: Եւ պիտի հարցընէ օտարագրի մը, (թէ պէտ և սրոյն Ղազարու մեր հիւրոց աւելի եղբարք ենք քան հիւրք),

ուսմանց և խաղաղաւէտ անդորրութեան այս կղզեկիրն մէջ, ուր այն պիտի պանծայի ճոխութիւն կայ, ոչ երեսի վրայ անխնամ թողուած, և օր ըստ օրէ աճեցուն ի ձեռն մեծանուն հմտից, ինչո՞ւ ցարգ չէ տըրուած կամ չի տրուիր ինամբով յօրինուած ցուցակ մը: Տպագրութեամբ հրատարակուած գրոց մէջ, ի փոշեաց դուրս հանելով հին հատորներ, կամ արգէն ծանօթ եղածները բարւոքելով, ինչո՞ւ մանրամասն շտորագրել ամէն գրչագրաց գրութեան թուականն, հանգամանք և արժէք: Ինչո՞ւ եւրոպացի անհամբեր ու կասկածոտ քըննադատից չհասնիլ յօգնութիւն՝ կարգաւորեալ շարադասութեամբ ընթերցուածոց տարբերութեան: Երբ Մխիթարեանք, մեծարանաց արժանաւոր ուսուցիչքն, սկզբնաւորութիւնն ընեն, այլք կը հետեւին իրենց. և նոյն իսկ այն հայ գրչագրաց համար՝ որ ի մեր մատենադարանս աստ և անգր ցրիւ կը գտնուին, ի Հոռով՝ ի Միլան, ի Պոլս. նիս և ի Նէապոլիս, և թերեւս այլուր, զարժանն պիտի տնօրինեն տէրութեան պաշտօնեայք, սրբոյն Ղազարու միանձանց յանձնելով անոնց կարգաւորութեան ինամբը, և գոհ պիտի ըլլան այս կերպով ուսումնասիրաց ջանից օգնելով:

« Բլլ միայն գրչագրաց գործածութիւնն, այլ նաև տպագրեալ գրոց փոխանակութիւնն զժուարին է նաև Հայոց մէջ: Ահաւասիկ Հաշկական քարգմանութեանց մատենադարանին հեղինակն (յէջ 49) յիշատակելով հին վէճերն փաւստեայ բիւզանդացւոյ անձին և գրոց վրայ, կը ցաւի որ աչքին գիմաց չունի ռուսահայ բանասիրի մը նոր գրուածքն, և կը բռնադատուի հեղինակէն առ ինքն ուզուած համառօտութիւնը մէջ բերելով գոհ ըլլալ:

« Ի թիֆլիզ հրատարակուած շարաթատեքսթի մը մէջ (Արնագանք, 1885—86) բանասէրն եղիչէ Մատթեան կը պնդէ, թէ փաւստոս յոյն էր ազգաւ, և յունարէն շարագրեց իր գրուածքը, ինչպէս նաև հիմայ կորսուած ուրիշ երկասիրութիւն մ'ալ, Հայոց հին պատմութիւնն: Ուրիշ ազգային մը՝ ասկէ տարբեր կարծիք կը պաշապանէ ի ֆննաւէր կոչուած թերթի (1888), երկու տարբեր նկատելով այդ գրուածքն մէջ, մին յոյն և աշխարհիկ անձի մը, և է ինքն փաւստոս. և միւսն՝ ասորի քահանայի՝ որոց անձանօթ մնացեր է անուն. և թէ յասորականէն եղած ըլլայ թարգմանութիւնն ի հայ՝ ի հինգերորդ դարու: Քննաւէրն կը խոստանայ ապացուցանել թէ ինչպէս նախնի ասորաբանութեանց հետք կը տեսնուին ի հայումն: Պիտի տեսնենք. և հեղինակն Մատենադարանին՝ իրեն սովորական խոհականութեամբ կը յաւելու թէ առ այժմ ոչ ղք կարէ գոհացուցիլ վճիռ մը տալ:— Փափաք մ'ալ կը մնայ մեզ յայտնել, որ այն ամէն գրուածոց ո՞ր Հայոց քաղաքական և մատենագրական պատմութեան վրայ կը ճառեն, և ի հայ լեզու տպագրութեամբ կը հրատարակուին ի ֆեթրպուրկ, ի Մոսկուա, ի թիֆլիզ և ի Պոլս, հա.

ւարմուկը մը ըլլայ, և զոր մասնաւոր ցուցակաւ տպագրութեամբ ըն-
ծայեն մեզ սրբոյն Ղազարու միանձունք:

« Յոյժ ի դէպ կը ծանուցանէ դարձեալ հեղինակն թէ այսպիսի
երկը՝ ոչ երբեք կրնան անթերի համարուիլ, 1825 ին արքեպիսկոպո-
սրն Սոմալեան հին հայ թարգմանութեանց վրայ շատ գովելի գրքոյկ
մը հրատարակած է. մեծագոյն ևս զովութեան արժանաւոր պիտի
ըլլայ այս ճոխ մատենադարանն, յորում այնչափ բազմաթիւ են կա-
յանք և հատորք:

« Գիտէ հեղինակն թէ համազգեացը մէջ պակաս չեն որ շատ կ'ու-
ղեն, անգոհքն. ինչ պիտի ըսէ մեզ օտարացս հոմար: Բայց որովհետեւ
ինքն կարող է, քննադատութիւնն՝ իրմէ ուզելու իրաւունք ունի. Ե-
թէ կը վստահի, ինչպէս կ'ըսէ, թէ յա՛յորք լաւագոյն կերպարանք
պիտի տան ատենին իր այս երկասիրութեանը, քննադատութիւնն՝
որ թէ լի է մեծարանօք և թէ համարձակ, կը պատասխա՛ւէ իրեն.
Ոչ, քեզի կը պատկանի այդ. հիմկու հիմայ յաւելուած մը միայն,
որ պարապը լեցընէ, անցընէ, ուղղագրէ. և ի ժամանակին՝ քեզի
կ'իյնայ վերանորոգել և ալ աւելի գեղեցկացընիլ գրուածք մը՝ որ
շատ զարուց ուսումնասիրաց օգտակար ու շահաւէտ պիտի ըլլայ »:

* * *

Կ'անցնի ապա ատենաբանն ոււելի հետաքննական նիւթոյ մը, և
որով զբաղին Հիմայ նաև ազգային բանասէրք և քննադատք.— Ա-
ռգաթանգեղայ գրոց յունական օրինակին վրայ, — ու կ'ըսէ.

« Այլ և այլ դարուց հմուտք և գիտունք՝ երկար ատեն երախտա-
պարտ պիտի ըլլան Պաւղոսի Տըլակարտ, որ մեր ժամանակաց ամե-
նէն անխոնջ բանասիրաց մէկն է: Ինչն հետամուտ է լեզուաց և գրոց.
պատմութեան և վիպասանաց. հմուտ յոյն, ասորի, արաբ, զփտի և
հայ բարբառոց, մեկնաբան հերբայեցիի և քրիստոնեայ սրբազան
տառից, և տեղեակ զանոնք լուսաբանող ամէն ազգի գրուածոց:
Բուական չէ նիւթոց զանազանութիւնն և արդաստորութիւն, այլ
ամէն երկասիրութեանց մէջ կ'երևցընէ համբերող ու անհամբեր
խնամք ամէն բառից ամէն տառից, որ կ'ընեն զինքը խոտապահանջ
դատաւոր մը ընդդէմ այլոց. բայց ալ աւելի խստագոյն իր անձին:
Ասով գերագոյն ուսուցիչ մը ի ստուգական ճշդութեան (exactness).
և եթէ այդ սուր աչքէն բան մը վրիպի, և ըստ բազդի ուրիշներն ան-
գրագառնան, ինքն առաջին է օգտուողը և գոհ ըլլողը:

« Առգաթանգեղոսի ընծայուած Սրբոյն Գրիգորի լուսաւորչի կենսա-
գրութեան յունարէն սկզբնագիրը պահուած է ի միակ գրչադրի
լուրենտեան մատենադարանին (Փլորենտիոյ). Ստիլաինգ՝ Բոլլան-
դեանց համար, և մասամբ Լանկուա՝ Տիւպնէրի օժանդակութեամբ,

հրատարակած էին զայն տպագրութեամբ. բայց Տըլակարտի նոր հրատարակութիւնն ամենէն ընտիրն է, քան զոր ընտրելագոյն չէ կարելի յուսալ ցորչափ նոր բնագիրք չյայտնուին այդ կենսագրութեան, Գիտնական գերմանացին կ'ընթեռնու, կը գաղափարէ և կրկին կ'ընծայէ զայն՝ զարտանալի հմտութեամբ. մանրամասն կը նըկարագրէ զամենայն, նաև զպատմութիւն գրչագրին վրիպանաց, կը նկատէ երկու և երեք ձեռքեր որ մագաղաթին վրայ կ'երևնան՝ այլ և այլ նշաններով ու տարբեր թանաքով, կամ քերելով՝ որպէս զի անընթեռնվիք ըլլան, կամ քերուածին վրայ սրբագրելով, և կամ յաւելուածովք ի լուսանցս : Ի ստորեւ իջից նշանակուած են վրիպակք բառականք և այլն ամենայն, երկար փորձառութեամբ նաև այն հելլենական լեզուին որով գրուած է, և չէ միշտ ընտիր և զասական. Տըլակարտ՝ աներկիւզ, բայց առանց յանդուգն յաւակնութեան, կրկին կը նորոգէ ու կը յարգարէ զբնագիրն. և եթէ տարակոյս մ'ալ ունենայ, կը յայտնէ մեզ իր երկմտութիւնքն ու կասկածը :

« Որովհետև դիրութիւն ունիմ հոս փլորենտեան գրչագիրը բաղդատելու, աչքէ կ'անցունեմ Տըլակարտի գրած ծանօթութիւններն, և ուր կրնամ աւելցնել կամ զեղեւէլ կ'ընեմ յօժարութեամբ, զարմանալով որ այսչափ քիչ բան պարտիմ ընել » :

Դէզով՝ գրեթէ եօթանասուն սրբագրութեանց կամ ընտրելագոյն ընթերցուածոց յոյն բնագրին ցուցակ մը գնելով ի փլորենտեան գրչագրէ, վրայ կը բերէ .

« Տըլակարտ կը կասկածէր թէ ի Մխիթարեանց եղած Ազգական գեղայ գրոց կրկին տպագրութիւնք՝ նմանատիպք ըլլան. կրնայ ապահով ըլլալ բաղդատելով զտպագիրսն որ ի 1835 և ի 1862. Թերեւս սխալը անկէ յառաջ եկած է՝ որ վերջին տպագրին մէջ պահուած է նաև առաջնոյն պղնձի ճակատը՝ որոյ վրայ փորագրուած է 1835 թուականն : Առաջին տպագրին մէջ գրուած համառօտ յառաջաբանը կը պակսի յերկրորդումն, յորում նշանակուած էր թէ հրատարակութեան համար գործածուած եօթն օրինակք ամէնն ալ գրչագիրք չէին, այլ հինգ միայն . և երկուքն՝ տպագիրք Պոլսոյ, մին՝ նախկինն (edition princeps) ի 1709, և միւսն ի 1824, Գոմինազէնի սրբագրութեամբ եղած իտալական թարգմանութեան նախաբանութեան մէջ եօթն գրչագիրք կը յիշատակուին . թէ որչափ էր այն առան անոնց թիւը և որչափ հիմայ պիտի գրուցնէ մեզ հրատակողքն . միւր խօսքն է՝ թէ քանի օրինակաց վրայ եղած է տպագրութիւնն : Կարևոր է լուրջ քննութիւն մը նաև փարիզեան օրինակին, ընթերցուածոց տարբերութեան վրայ գրուած համառօտ ծանօթութիւնքն ալ, առ պակասութեան ընտրելագունին, ունին իրենց կարողութիւնը, և կը տեսնուին միայն առաջին տպագրին մէջ, ինչո՞ւ նոր ընթերցողները զրկել անոնցմէ » :

Քանի մը օրինակներով իր խօսքերը հաւատարմացնելէն ետքը՝ կը յաւելու Գեղա .

« Պիտի յերկարէր մեր քննութիւնը՝ եթէ վամենայն ուզենայինք մէջ բերել Գործունեայ հայտագրի երիտասարդ մը, ուսումնասէր և հանճարեղ, կը գրաւի հիմայ Ազաթանգեղեայ գրքով. և որ պիտի ըլլայ ոչ հինգերորդ կամ վեցերորդ, այլ վերջին տպագրութիւն... Մխիթարայ ուխտին նոր պատիւ մը պիտի յաւելու այս երկասիրութիւնը, որոց այնչափ պարտըկան է ուսումնասէրն Եւրոպա՜ւ... »

* * *

« Ի՞նչ է Քննաւէրը, որովհետև Մատենադարանին հեղինակը փափաքելի կ'ընէ որոնել զայն և ուսումնասիրել — Քննադատական օրագիր մ'է, ինչպէս անունէն ալ կ'իմացուի, որ կը սորվեցընէ հետազօտել հայկական սկզբնագիրը. յայտնել և ուղղագրել անոնց մէջ մուտ գտած վրիպական ընթերցուածներն, պարզ ու յստակ աշխարհաբառով, և կը հրատարակուի՝ ուստի չէր յուսացուեր, ի Ստորոհում վիճաբիր ձեռագիր հրատարակութիւն մը, ու տպագրի վարժող օտարականի մը համար գժուարընթեռնչի, բայց սովորիլը գիրին։ Ինչուան հիմայ միայն երկու պրակք ի լոյս ընծայուած են, և յուսալի է որ յարեւել ծաւալի ազգայնոց մէջ, և ծանօթանայ յեւրոպա՝ որպէս զի հեղինակը քաջալերուի յօտակար հետազօտութիւնան։ Փափագողք տպագրել, ընթեռնուլ կամ լուսարանել հայերէն գրքերը՝ պէտք պիտի ունենան այս փոքրիկ հաւաքման, յորում բազմաթիւ ուղղագրութիւնք կան՝ համառօտ և խոհական տեղով » :

Եւ իրաւագատ գովութեամբ կը հռչակէ համառօտի՝ հեղինակին թէ այս և թէ ազգին արդէն ծանօթ ուրիշ երկասիրութիւններն :

1. Տարւոյս մէջ կը հրատարակուի այս գրուածքս, խորագիրն է « Ազաթանգեղոս և իւր բաղնադարեան գաղտնիքն », քննադատութիւն Հ. Բարսեղ Վ. Սարգիսեանի Մխիթարեան ուխտէն :

ՄԱՍԻՔ

(Տես յ'էջ 345)

ԲՈՒՐՆԱԾՆՔ ԵՒ ԿՆՆՆԱԾՆՔ. — Թէպէտ և Մասեաց վրայ ջուրը առատ չէ, բայց այնու հանդերձ միջին գօտեաց վրայ արօտները գեղեցիկ են և դալար, վասն զի մշտնջենաւոր ձեան սահմանին մօտ են, որ ամառան սաստիկ տաքութիւնը կը մեղմացնեն. բաց ասկէ առատ ցօղ կ'իջնէ և անձրև: Միջին գօտին կը համարուի 5000 ոտք բարձրութենէն մինչև 944, 500'. ասկէ վեր հիւսիս — արևելեան լանջակողմերն՝ կաւուտ և աւազուտ են, և յառաջ կը բերեն վայրենի և անմշակ երկրի բոյսերը, steppe, կարճահասակ և փշոտ, քիչ տերևներով և շատ ճիւղերով թփեր, սակաւ մ'ալ խոտեղէն ծաղկաբեր բոյսեր և սէզ, յորս նշանաւոր է Սէզն որդնաբեր, *Dactylis littoralis*, այսինքն սնուցիչ Որչաւն կարմրոյ: Վերոյգրեալ 44,500 ոտից զծէն մինչև մշտնջենաւոր ձեան սահմանը եղած բարձրագոյն գօտւոյն վրայ շատ քիչ բուսեղէն յառաջ կու գայ, այն ալ մամուռն գետնի վրայ ինկած. գետինն ալ բոլորովին քարեղէն է: Իսկ միջին մասին կամ գօտւոյն վրայ՝ կան ֆրդաց ընդարձակ արօտներն, որոնք տեղ տեղ ցորեն և գարի ալ կը ցանեն, և հոն իրենց բնակութիւնը հաստատած են. բայց երբոր ձմերային ցուրտը կը սաստկանայ՝ վար կ'իջնեն ի ձմերանոցս, և Հայոց գիւղերուն մէջ կը ցրուին: ֆրդաց գլխաւոր արօտներն են երկու Մասեաց և Քիփիկէօլ հովտին մէջտեղ գտնուած մեծ տափարակ գետինն վրայ, ուր 44,000' բարձրութեան վրայ գեղեցիկ մարգագետիններ կան ոռոգեալք սառերուն հայմամբ ձեւացած լճակէն կամ ջրչեղջէն. կան նաև ապաստանարանք և պահուրտեւու տեղեր, մեծամեծ քարեր որք զլորած են չորս կողմը եղած հրբաբուղիներէն. որով այս տեղը գիւրագոյն կայան և ճամբայ կը համարուի ՚ի Մասիս ելլելու համար: Թփատեսակ ծառեր 5000 կամ 5500 ոտք բարձրութեան վրայ հազիւ կը գտնուին. և միայն փոքր Մասեաց կողերուն վրայ թխտենեաց անառիկ մի կայ, գրեթէ 7800' բարձրութեան վրայ: Աւագ Մասեաց վրայ ալ նոյն բարձրութեամբ, հիւսիս — արևմտեան կողմը այս ծառերէն սակաւ կը գտնուի: Ձրէշֆիլտ, որ գարնան ատեն Մասեաց վրայ ելաւ, կ'ըսէ թէ 7-9000' բարձրութեան միջոցին մէջ ըստ բաւականի առատ են ալպեան բոյսերն. և յիրաի կարծեմ թէ ալպեան բոյսերն և ծաղիկները շատ սակաւ պիտի չըլլան, վասն զի յարմար եղանակի մէջ աղէկ կերպով քննուած չեն, այլ վեր ի վերոյ տեսութեամբ՝ կ'ըսուի թէ նման են ուրիշ լեռանց բուսոյ . ծաղկանց. Տերեփուկ, կանթեղ

նին, հորնգան, ֆարհերձուկ, Saxifraga, կոտեմ. տեսակ մը կո-
րնգան, Cerastium ալ գանուեցաւ, մտնջննաւոր ձեանց սահմա-
նին մտա 13,000' էն աւելի բարձրութեան վրայ, ուր քարաքոսե մա-
մուռներ կան: Կուռնըֆոր որ ի 10 - 11 Օգոստոսի յամի 1701 Մա-
սեաց վրայ ելաւ, թէպէտ և ոչ ի բարձրագոյն սահմանս, բոյսերը
քննելու համար, աւազուտ տեղոյ վրայ միայն Գիհի և Փշոռա
խազերակ գտաւ, Astragalus massiliensis, Epine de bouc. Ակո-
ռին դէպ 'ի վեր Ս. Բակովբայ վանքը և աղբիւրը երթալով՝ հասա-
րակ և ծանօթ բուսոց յիշատակութիւն կ'ընէ. Սերկիչիձ, Cotonas-
ter բոլորատերև, Լուսաղեղ կապոյտ, Conyza acris caerulea. C. B.
Բզկնախրի պտղաբեր նեղատերև, Hieracium fructicosum angus-
tifolium, Թակորակ, Ալքհադիկ, Euphrasia, Թանրակիկ, Telephium,
և այլն. ուրիշ երկու ծաղիկներ ալ կը յիշէ նոր տեսակ համարե-
լով, զորս կ'անուանէ Համաւարակ - արևելեան, Lychnis orientalis,
եղնակեզու տերևով. Մարեմծաղիկ յարևելեան քարածերպի, Geum o-
rientale, հասարակ ծնծղածաղիկ, Cymbalaria, տերևոց նման տերևք.
այս երկու ծաղկանց ստորագրութեամբ միանգամայն պատկերներն
ալ կը գնէ. և ուրախութեամբ մը կը յիշէ բարձրագոյն գրից վրայ
անանկալ կերպով գտած Վահլիժակ, Veronica, ծաղկին տեսակը,
Թանթոնեկի տերևներով, զոր Բառող ալ գտաւ աւելի բարձրագոյն
գրից վրայ, 10 - 12,000 ոտից մէջ. Յամի 1834 Ապրիլի սկիզբները
Տիւպուա ալ նոյն սահմաններու վրայ տեսակ մը ֆրքում գտաւ, Me-
rendera Caucasica, որ դեռ նոր ծաղկած էր ձիւնէն նոր ազատած
գետնի վրայ: Վանէր ևս յամի 1843 - 1844 գտաւ նոր տեսակ մը
Չտաբլի, Alchemilla, խստոր կոճատերև, և բնիկ Արարատեան
Ճարտարուշ, Petrocalis Araratica. Երան աւազուտ կողմանց վրայ
գտաւ, Հիրիկ իրերական, որոյ համար կ'ըսէ թէ Լերկածաղկէն
եաքը՝ Հայոց լեռանց ծաղկանց՝ նոյն իսկ հիրիկ ծաղկանց կամ վայ-
րի շուշանաց ամէն տեսակէն աւելի գեղեցկագոյնն է. գտաւ նոյնպէս
տեսակ տեսակ ճերմակ հովանեկամե ծաղիկներ և զեղնագոյն Լա-
ռաճաղիկ, Ranunculus: Բառող հոկտեմբեր ամսոյն սկիզբները 12 -
13,000 ոտը բարձրութեան մէջ գտաւ կորկզակ, Cerastium, ֆար-
հերձուկ մշկահոտ, Saxifraga muscoides, Ղոտ և պզտիկ տերևներով,
և քարանց ճեղքուածներուն մէջ չքնաղատես Աստղիկ շեւնային
Aster alpinus, Աստղիկ գեղաղէշ, Aster pulchellus, տեսակ մը կո-
տեմ, Draba incompta, * Առազուկ կոր, Arenaria recurva, * Չսկզակ
ճաղիկ քարհերձուկ, Campanula saxifraga, Ակրկարնա կովկասեան
Pyrethrum Caucasicum, Քոչամորոչք գաճաճ, Tragopogon pusillum,
Խազիրակ կակուղ, Astragalus mollis, * Հգորակ, Potentilla. - 12 -
13,000' ոտը բարձրութեան միջոցը վերիններուն հետ մէկտեղ Ան-
քեմ, Anthemis rigescens, Սիւն, Scorzonera coronopifolia, Ծառո.


գրամ առապարի, *Diantus petraeus*, Քաղցր կորնզան, *Hedysarum caucasicum*, Առռոյտ, *Trifolium tricocephalum*. մեծ կապոյտ ծաղկներով, վայրի կակաչ, *Pulsatilla albana* B. Տերեփոնկ գեղաղի, *Centaurea pulcherrima*, Տերեփոնկ դեղնաապիտակ, *Centaurea Ochroleuca*.— Թփոց տեսակէն 7—800' բարձրութեան վրայ գտաւ Գինի, զոր ԴուռնըՓոր ալ կը հաստատէ, և Աերկեղիձ միաճաղիկ *Cotonaster uniflora* :

Այգային գրոց մէջէն քանի մը բժշկարանք կը յիշեն Արեւան խոտ, Գան օրոշ ըստ տանկաց, և Ըյսմիմ պէլաքի ըստ Արարաց, *Sanguinaria*, և կ'ըսեն թէ կը գտնուի «ի Մասիսու տակն մերձ 'ի գիւղն Ակոռի» : Նաև կը կոչուի « Ոսկի խոտ որոյ նշանն այս է. չորս տերև ունի, և լինի սփռեալ ի վերայ գետնոյն. և տերևի երկայնութիւնն երկու թիւ է, և 'ի մէջն՝ զէտ ճտանն, նման ինկողկուզակի, *Polium montanum*, և 'ի վերայ տերևոյն՝ ծայրերն մանտր փուշեր ունի, և կենայ 'ի մէջն կրկ վարոյ մի՝ զերթ պտանկինակ, և նորա ծայրերն կայ հինգ ծաղիկ, և ծաղկի դոյնն մէկն գեղին կարմիր, մէկն ծեռ. և թէ կտրես զայգ խոտը՝ նա ելանէ կարմիր արեւն, և ուր հասանի այն արեւն՝ կեղևն կոչին. երբ կտրես՝ պատրաստ կաց որ արեւն քեզ չհասնի. առ զիւր տերևն, չորցուր, և մանր սղկէ՝ և ձգէ 'ի վերայ արճրճի, լինի ոսկի կարմիր, և այլն : Եւ յորժամ որ կամենաս որ առնուս պայգ խոտը, զու զիր տուփ մի որ մոմամ լինի, որ կարես առնուլ : Ուրիշ բժշկարան մ'ալ կ'ըսէ թէ այս բոյսը կը գրտնուի Գեղամայ ծովուն արևելեան կողմը, և Կեղուայ լեռանց վրայ :

Թուի թէ Մասիս լեռը շնչաւոր արարածոց շատ բնակութիւն տըւած չէ, թէպէտ և իրմէ ի՛րած են ամէն տեսակ կենդանիք՝ Նոյեան տապանին բացուելովն. — զեռնոց և ճճեաց մէջ կարիճք և մողիգը լեռան ստորտը յոյժ շատ են, բայց վերին կողմերը գեռ ևս միջատ չտեսնուեցաւ. իսկ վակնէր ստորին և աւազուս մասանց վրայ տեսակ տեսակ միջատներ գտաւ, և ինչպէս ինքն ալ կ'ըսէ, շատ ուրախացաւ զիւտին վրայ. գտածներէն շատերը՝ ծովու և գետոց աւազուտ սահմանաց սեպհական բաներ են. վակնէր շատ անգամ կը յիշէ Սև — իրան, *Melasma*, մանաւանդ Յոյր կոչուած տեսակէն. կը յիշէ ևս *Tentyria*, *Blaps* և *Crodius* կոչուածները. տեսակ տեսակ միջին և հարաւային Եւրոպիոյ թիթեռները, հասարակ թիթեռն կաշիկ *Pepilio Cardui*, և *Uraea* 'ի, *Pop. Machaon* կոչուածը : Բայ ի Ազգաււէն, Անդղէն, Արժուէ և տեսակ տեսակ ֆաղէներէ ուրիշ մեծ կամ փոքր հաւեր չտեսնուեցան : Բայց Գինոյ գետոյն ստորին կողմերը շատ առատ են ջրահալք, ճայք, Հողմաղք, Արագիլք, Կարապ վայրի, Փոր, Բադ, Չրնառ Աքլոր սևաքև, *Himanotopus melanopterus*, Քաչակառ, և այլն :

Չորրորտանեաց ցեղէն ծանօթ են Նապաստակ, մեծեղիւր Առիւք

Ovis musimon, և վայրի Այճեմուռ, *Corra aegagrus*. Գազաններէն,



Lychnis Orientalis maxima Buglossi folio undulato Coroll. Inst. Rei herb. 24.

Հանաստորաւ Մասնաց եզնալեզունան տերեօք, ըստ Դուռնըփոյի Արշ. Գայլ, Լոռսամն, պզտիկ Աղուռն, որ 14,000' բարձրութեան

վրայ ձեանց սահմանին մօտ ալ տեսնուեցաւ, կարող վայրի, կողմ
և Յովսէփ. ըստ սմանց ինձ ալ և վագր. Դուռնըֆոր իբրև ականա,
տես կը յիշէ վերջինը. բայց արդի քննիչք կը տարակուսին. վասն
զի իրենցմէ ոչ ոք տեսաւ վագր, սակայն գիտնական ճանապարհորդ
զը 'ի սկիզբն ժը դարու այնչափ ստէպ կը խօսի Մասեաց վագրնե-
րուն վրայ, թէ ինչպէս թակարդներով անոնց ձագերը կը բռնեն և
Պարսից Շահին կը տանին՝ որ հաւանականաբար կարծեմ թէ այն
գազաններէն կան Մասեաց վրայ, և եթէ ոչ հիմա՝ բայց Դուռնըֆո-
րի ատեն կային: Նոյնպէս և Մորիէ այս դարու սկիզբները կը հաս-
տատէ թէ ոչ միայն պղտիկ վագրներ կան հօն, այլ և Առիւծ, և ա-
մենէն աւելի սարսափելի մեծամեծ Օձեր, յորոց այն ժամանակները
վիշապ մի դուրս ելնելով երկու Մասեաց մէջտեղ, կարաւաններուն
անցքը կը վախցընէր: Հարկ է յիշել հօս մեր նախնեաց աւանդած եր-
կու մեծամեծ որսականները « զկիկնձ և զիշապայրի, զակամբք
Գինայ »: Մինչև հիմա շատ բազմաթիւ են կինճք Մասեաց սաորոտը
երասխայ շամբին մէջ, բայց իշապայրիք կամ ցիռք հիմա այս կողմե-
րը տեսնուած չեն, թէպէտ և հաւանական է թէ հին ատեն այս չոր-
քոտանիներն կը թափառէին մինչև Գինայ պոլունքը, այսինքն Ակոու-
ւոյ և Թաքեալդուի (Գինոյ բլրոյն) մէջտեղ:

Վսեմակաւ տեսիլ Մասեաց. — Վերջին նբահայեաց այցելուն
Մասեաց Պրայս՝ կը համարի թէ Մասեաց միակ գեղեցկութիւնն է
անոր ահեղաբանչ կերպարանը. իբր բսել կ'ուզէ թէ ուրիշ ամէն
բանով՝ դրիցը վայելչութեամբ, բուսական և կենդանական արգա-
սեօք և յրոմն՝ աղքատ և խեղճ է այս լեռը, և սովորաբար տղեղ և
տձև: Վերոյիշեալ բուսաբանին փօանկ ճանապարհորդը խոտադոյի
կերպով կը գրէ, և երկրիս ամէն կերպարանքներէն աւելի խոշորա-
ձև կ'անուանէ զայն. իսկ խորանդունդ վհին համար ալ կ'ըսէ թէ
քան զայլս ամենեսին ահաւոր է:

Շարունակելի



ԱԻԵՏԱՐԱՆԻ ԱՇԽԱՐՀԱԳՐՈՒԹԻՒՆ

(Տես յ'էջ 325)

Հրեաստան։— Երոշտադէմ։— Իշր ակունքը։— Ընդհանուր ակ-
նարկ։— Շրջապատին պարիսպներն։— Թիշ քնակչաց։— Դռնե-
րըն։— Չորս բոշորներն։— Հասարակաց հրապարակներ։— Ճամ-
բաներ։— Ժողովարաններ։— Յիշատակարանք։— Աշտարակք։—
Հերովդէսի պաշտոն։— Անտոնիա աշտարակն։— Աւագանք։— Չի-
րենեաց շէնն։— Աննայի վաճառանոց։— Կ երեսմանի։— Բերա-
նիա։— Երիքով։— Յորդանան։— Մեռեալ ծովն։— Բերդենն։—
Եափա։—

ԲՐԷԱՍՏԱՆԻ ընդհանուր կերպարանքն լեռնային է։ Հողն կույ-
նուտ է, երկիրն ցամաք և չոր, և եթէ հակապատկիր զանազա-
նութիւնն Հրեաստանի և Գալիլիայ հիմայ ևս յայտնի է, գեռ
աւելի աչքի զարնող էր առջի դարուն մէջ, Գալիլիայի մէջ բնութիւ-
նը փոփոխակի գեղեցիկ էր կամ վսեմ, ընդամեն ուրեք հարուստ և
առատ, արգաւանդութեամբ երկիրն սքանչելի, լուրն առատ, դաշ-
տերն լաւ մշակուած. բոլոր երկիրն ամբողջովին անտառաշատ։
Հրեաստանի մէջ խորդուրտ, ցամաք և անմշակ լեռներն իշխող
էին և ընդհանուր ազդեցութիւնն էր չոր ցամաքութիւն և ամայու-
թիւն, Մայրաքաղաքն էր Երուսաղէմ, Պաղեստինի ամենամեծ քաղա-
քըն, կրօնական իշխանութեանց աթոռանիստն, կեդրոն աստուած-
պաշտութեան և հասարակաց կենաց, քաղաքն որ անմիջապէս աչ-
քերն իւր վրայ կը քաշէր։

Տասուերկու ժամ ծովէն հեռու և ութ ժամ Յորդանանէն հեռու է գրեւ: Ծննդոց գրքին մէջ (Գլ. ԺԴ. 18) Երուսաղէմ կոչուած է, և ահա հրէական աւանդութիւնն այսպէս կը պատմէ անոր անուան փոխուիւն. « Աբրահամ Երեն գրաւ այդ տեղոյն անունը և Սէմ Սաղէմ կոչեց զայն: Եւ Աստուած ըսաւ. եթէ Երեն անուանեմ, արդար ըն Սէմ չ'ախորժիր, և եթէ Սաղէմ կոչեմ արդար Աբրահամուն զծուարը կուգայ: Ուրեմն ես անոր կը գնեմ այն անուններն՝ զոր իւրաքանչիւրն տուեր է անոր »: Սկսինք քաղքին ամբողջութեան տեսարանը որոնել առջի դարուն մէջ, և առ այս ելլենք Ձիթենեաց բլրոյն վրայ, Բեթանիա տանող ճամբան բռնենք և նայինք Երուսաղէմի վրայ ինչպէս կ'երևի ճիշդ այն տեղն՝ որ Յիսուս նայեցաւ անոր Արմաւենեաց օրն և լացաւ անոր վրայ: Առաջին ազդեցութեամբ ա. մուր քաղաք մ'է, գրեթէ անառիկ: Թանձր և բարձր պարիսպ մը կ'եզրոնեան ձորէն անդին, ամրացած է աշտարակներով պարիսպն և յալ ու ձախ կ'երկրննայ դէպ արեւելք և արևմուտք ամբողջ քաղաքն պատելով: Աշտարակներէն ոմանք բարձր են քան զայլս. մանաւանդ երեք ահագին աշտարակներ կան որոնք քաղքին միւս կողմէն հեռուէն կը տեսնուին: Շրջապատ պարսպին մէջ կ'երևի խումբ խումբ տանոյ կոյտն, մէկմէկու կից դիմացէ դիմաց. տուններն յարկ չունին այլ հարթ տանիքներ և ճերմակ քարէ քառակուսիներ կը կազմեն, որ կը նկարուին կապուտ երկնից վրայ: Իրարու անհաւաս: են բարձրութեամբ, ըստ սրում շինուած են գետնոյ կամ բլլւանց վրայ: Վերջապէս երկու վիթխարի շէնքերն քաղքին վրայ կը տիրեն. Տաճարն և Հերովդէսի պալատն: Տաճարն բերդ մ'է, մանաւանդ բերդաբարձր մ'է քաղքին մէջ: Չինքը շրջապատող ահեղ պարիսպներէն անդին հազիւ կը նշմարուին իրարու յախորդող բազմաթիւ որմնափակեր կամարակապ սրահներով շրջապատուած, և հիւսիւրային ծայրն՝ դիտողին յաջակողմն՝ կը նշմարուի սբաութիւն սբբոցն, օտուն բարձրաբերձ տանիքն ամբողջովին՝ ոսկեզօծեալ կաթողիկէնէրով պատուապարուած է: Վերջապէս սբաութեանց սբբոց ետևի կողմն՝ տաճարէն զատուած՝ բայց այն հեռաւորութեամբ որ կարծես թէ տաճարին կից է, կը բարձրանայ այլանդակ խորանարդ մը որուն վերին հարթ տանիքն կը տիրէ նուիրական տեղոյն ամբողջ ներքին գատիկոնիտու վրայ: Այս է Անտոնիա աշտարակն: Թալմուտներն կ'ըսեն, « Երուսաղէմ չտեսնողն, գեղեցիկ քաղաք երբէք չէ տեսած »: Իլնանք հիմայ Ձիթենեաց լեռնէն, մտանանք քաղքին և ներս մտնալէն առաջ անոր շրջապատը գնենք: Ահագին պատ մը լի դռներով կը պատէ չորս կողմէն. կը շրջապատէ զբլուրն որուն վրայ շինուած է Տաճարն, կը փակէ զԵրուսաղէմ հարաւէն, Սիոն բլրոյն չորս կողմն ալ կը պըտըտի որ ի հարաւ արևմուտքն է, կ'երկրննայ դէպ ի հիւսիս, և ուղիղ անկիւն մը ձևացընելով որոյ գագաթնան վը.

րայ շինուած է Հիպպիկոն աշտարակն, կարծես քաղաքը կը մոնայ և ուղղակի կ'երթայ կը միանայ տաճարին արևմտեան պատին հետ: Հին շրջապատ մ'է այս, որոյ վերջին մասն հիմայ անօգուտ է, որովհետև քաղաքն ընդարձակուեր է թաղով մը դէպ ի հիւսիս, որ Աբրա կամ ստորին քաղաք կը կոչուի: Նոյն իսկ այս թաղն պատով մը շրջապատուած է, որ իւր մէջ կը փակէ թաղովն ի միասին կուսակալին պալատն և Անտոնիա աշտարակն. վերջապէս անդին միշտ դէպ ի հիւսիս՝ զեռ կ'ընդարձակուի քաղաքն. ցան օւ ցիւր և արդէն իսկ բազմաթիւ տուներ Պէդէթա կոչուած բլուրն կը ծածկեն, և քանի մը տարիէն Հերովզէս Ագրիպաս Ա. երրորդ պարիսպ մը պիտի շինէ, որ Հիպպիկոն աշտարակէն սկսեալ պիտի շարունակէ առջի շրջապատն, իւր մէջ պիտի աճու մեծ միջոց մը երկրի, ի մէջ որոց և հողն ուր է Գողգոթա, և թեթեւաբար աւազանին մօտ պիտի միանայ առաջին շրջապատին հետ և գրեթէ մօտ տաճարին:

Յիսուսի ատեն այս շրջապատն շինուած չէ և Գողգոթա զեռ զուրս է դռներէն: Երից պարսպաց խիստ որոշ զանազանութիւնը մենք Յովսեփոսէն կ'առնունք: Երրորդը Յիսուսի օրով չկար, առաջին միայն էր և երկրորդն անդ՝ ուր առաջին բանի չէր գար:

Շրջապատերն հիանալի կերպով շինուած էին. պատերն արուեստով դուրս ցցուած և ներս զնացած էին: Առաջինը ամրոցներով պատրաստուած է և վաթսուն աշտարակներով ամրացած, որոնք իրարմէ զատուած էին երկուհարիւր կանգուն միջոցաւ (90 մէդր): Երկրորդ պատն այս աշտարակներէն տասնուչորս ունի և յետոյ ժամանակաւ Ագրիպայ պատն իննըսուն պիտի ունենայ: Յովսեփոս կ'ըսէ, քաղաքն երեսուն երեք ասպարէզ շրջապատ ունի, որ մօտ եօթը հազարամէդր կ'ընէ, բայց պէտք չէ մոռնալ որ այս չափին մէջ չէ Ագրիպայ պատն, որ առջի դարուն կիսուն շինուեցաւ:

Յիսուսի ատեն քաղաքին բնակչաց թիւն որչափ կրնայ ըլլալ. զայն գիտնալն դժուար է: Արևելքի մէջ աշխարհահամար ընելը գրեթէ անկարելի է, նոյն իսկ մեր օրերն: Արդի Գահիրէի բնակչաց համար, օրինակի աղաքաւ, առ նուազն երկու հարիւր հազար և առ առաւելն վեց կամ եօթն հարիւր հազար կը զնեն: Երուսաղէմի համար հին վիպութիւնք գրեթէ բոլորովին կը պակսին: Կիկերոն իւր մէկ նամակին մէջ զԵրուսաղէմ « Գիւղակ մը » կ'անուանէ (առ Ատտիկոս): Ի հակառակէն Նիկաթէոս արդեբացի, Յովսեփոսէն վկայ բերուած, բնակչաց թիւը Մեծին Ազիքսանդրի ատեն հարիւր քսան հազարի կը հանէր: Մենք այս թիւն շատ չափազանց չենք համարեր: Այս թիւն առ առաւելն է. իսկ առ նուազն կրնանք այսպէս դատել. արդի քաղաքն հազիւ տասնուհինգ հազար բնակիչ ունի. եթէ առնունք այս թիւն և այն միջոցն զոր հին շրջապատներն կը գրաւէին, առ նուազն հին քաղաքն չորս անգամ տասնուհինգ հազար բնակիչ

տալու է, այսինքն է մօտ վաթսուհի հազար. Երուսաղէմ ուրեմն ունէր առ հուսազն վաթսուհի հազար բնակիչ, և առ առաւելն հարիւր քսան հազար. Գ. Ռէնան յիսուն հազար միայն կ'ըսէ. այդ թիւն շատ քիչ է: Արեւելոցոց արտօսոց կարգի զիրուծիւն բնակելու նեղ միջոցի մը մէջ հաշուի չաւանքը այս մատենագիրօ. Գ. Շովի կը համարի ուժ տունէն ինչուան հարիւր հազար հոգի, որ ինձ համար շատ ճշմարտանման է: Տօներու առթիւ բնակչաց թիւն կ'աճէր տարազայման համեմատութեամբ:

Գ. Հոսրաթ Պասէքի տօնին առթիւն ինչուան երեք միլիոն կը հանէ թիւն: Իրաւ է որ այս ատեն ժողովուրդն երկրին ամէն կողմերէն հոն կը թափէր խուռն բազմութեամբ: Ճամբաներու վրայ և դաշտերու մէջ վրաններ կը կանգնէին. անմիջական չրջակայ տեղերն բռնըլած էին: Այս դէպքն կը հասկցնէ մեզի թէ ինչու Յիսուս իւր կենաց վերջին օրերն ամէն իրիկուն քաղքէն կ'ելլէր և դիշերն ի Բեթանիս կամ ի Չիթենեաց լեռն ագարակի մը մէջ կ'անցունէր: Երուսաղէմի մէջ բնակելու տեղ չէր գտնէր: Խաչին շրտ կողմն ալ, որ զբարաց դիմաց կանգնուած էր, շատ բազմութիւն կար: Պաշարման ժամանակն Երուսաղէմի ներքին բնակիչն գէթ միլիոն մը կար:

Դեռ չըջապատին վրայ խօսեցանք. ներս մտնալէն առաջ դռները դիտենք: Ամէն մէկ դուռն պատին թանձրութեամբ կամարածն անցք մ'է բաւական խորութեամբ և երկու կողմէն կը զոցուէր ինքնափակ դռներով: Տաճարի բոլոր դռներն ալ այսպէս շինուած էին: Կամարին վերև լայնարձակ անեակ մը կար ուր կրնային կենալ պահապանք դրանն: Դրական բան մը չենք գիտեր թէ քանի դուռ կար և թէ դռներն ինչ կերպով դասաւորուած էին: Ռէլան Պաղեստինի վրայ գրած հռչակաւոր գործոյն մէջ շտտ դռներ կը յիշէ, բայց ա. նուանց ցուցակ մ'է միայն. 1⁰. Հին դուռն Հիւս. Արևելք. 2⁰ Եփ. բեմայ կամ Բենիամինի դուռն ի Հիւսիս. 3⁰ դուռն Անկեան Հիւս. Արևմուտք. 4⁰ դուռն Չորոյն. 5⁰. Դուռն մոխրոցի, 6⁰ դուռն աղբեր ՚ի հար. արևելք: Դուռ մը միայն կը ճաննանք մեք. դուռն մոխրոցի զոր նեեմի (բ. 13) կը յիշէ և էր արդի Մոկրապին դռան մօտ տեղն: Եսասեանց դուռ ալ կոչուեցաւ: Ռորիչ դռներ կան զոր Ռէլանտ չ'ըսեր: Դուռն պարտիզաց (ճեննաթ) յարևելս, որուն քովն էր Գողգոթա: Երկրորդ պարիսպն Ալրան կամ ստորին քաղաքն պաշտպանող այս դռնէն կը սկսէր: Դուռն այս անունը կ'առնուր Երուսաղէմի այս կողման բազմաթիւ պտղատու ծառերէն: Առջի դարուն մէջ այս պարտեզներն կ'անհետանային հետզհետէ և վրան տուններ կը շինէին: Փանի մը տարիէն ետքը այս տուններն Ազրիպպաս քաղքին մէջ կ'առնէ երրորդ պարիսպն շինելով: Այս պարտեզներն շատ անհարթ հողերու վրայ կը գտնուէին. հոն շատ այրեր և ժայռեր կային. ոմանք հարուստ մարդկան կալուածներ էին: Մէկուն տէրն էր Յովսէփ արե-

մաթացին, անդամ Հրէական ատենին (Sanhedrin), և հոն փորել տուած էր ժայռին մէջ՝ գերեզման մը իրեն և իրիններուն համար. Գողգոթա ճիշդ հոն էր, շրջապատին առաջին և երկրորդ պարսպէն կազմուած անկեան մէջ, ի Գլուխ ճանապարհաց հին և նոր քաղքին և պարտիզաց այդ զոնէն քանի մը քայլ անդին, որ անշուշտ այն էր ուսկից դուրս ելաւ Յիսուս՝ Սիմոն կիւրենացոյն հետ խաչը շալկած, Գիտենք որ ձկանց դուռ մ'ալ կար (Բ Մնաց. 19, 14), առանց կրնալու տեղն որոշել. այդ դրան քովն էր ձկնավաճառանոց, Տիրբ, ընայ լճէն ձկնորսք կը բերէին և Տիրացիք կը վաճառէին (Նեեմի Ժ. 9. 16) :

Տաճարին ետեւ յարեւել՝ հիմայ Ս. Ստեփանոս անունով դուռ մը կայ՝ կը կոչուէր երբեմն դուռն ոչխարաց. Բեթ հեզդա աւազանն շատ մօտ էր, և անկէ կ'անցնէին զոհուելու ոչխարներն, Սիրելի է ըսել որ Ս. Յովհաննու աւետարանի Ժ. Գլխոյն մէջ պատմուած տեսարանն այս գրան քով հանդիպած է: Յիսուս կը տեսնար ոչխարաց ելլել և մտնելն, և իւր սովորական ոճովն, պարզ իւր աչքի զիմաց անցածն կ'ականարկէր ըսելով. « Ես եմ դուռն ոչխարաց »: Արեւելեան կողմն գլխաւոր ելք էր քաղքին այս դուռն, տաճարին մօտ էր և կից: Յիսուս մտաւ անդադար և ելաւ քաղքէն այս զոնէն: Այս զոնէն անցաւ աւագ հինգշաբթի, երբ Երուսաղէմէն ելաւ Ձիթենեաց պարտէզն երթալու, ուր բռնուեցաւ: Ոչխարաց գրան տեղէն աւելի հեռու և նոյն կողմը հիմայ Հերովդէսի տաճարին աւերակաց գերբուկ մը կայ, մուտք մը հիմայ պատով գոցուած որ Ոսկեդուռն կոչուի: Անկէ կը մտցուէր տաճարին ներսերն. և զի դուռն կեդրոնեան ձորոյն վրայ և դէպ ի Ձիթենեաց լեռն կը բացուէր, շատ հուանական է որ Յիսուս անկէ անցաւ Արմաւենեաց կիրակին: Երուսաղէմի միւս գրանց վրայ չենք կրնար որոշ բան մ'ըսել, որոնց անուններն կ'ընեն մեզի Նեեմի և ուրիշ հին կտակարանաց գրիչներն: Ի հարաւ չկար, Սիոն լեռն անկէ անմատչելի էր:

Շարունակիլի

ՈՍԿԵՆՈՂԻԿ ԿԱՄ ՆԱՐԳԻՍ

Ձրոյց մը

Խեղճ մայր...

Ազգատ էր և հիւանդագին. ամուսին մը ունէր որ չէր ուզեր աշխատիլ, ու արբեցութեամբ՝ քաղցը մտցընել կը նայէր: Գինովցած տուն դառնալով՝ անխնայ կը գանակոծէր կինը թէ ինչու այդ խեղճ ձեռաց աշխատանքովը չէր կրցած կերակուր մը պատրաստել լրեն:

Բայց իր ազգատութեան մեծագոյն տառապանքն այս չէր: Պղտիկ հասակէն վարժած էր անտարբեր ու արհամարհոտ աչքով մը նայիլ աշխարհի վրայ՝ ուր իրեն նմանիք կարծես թէ ուրիշ բանի համար եկած չեն՝ բայց անօթութիւն կ'երու և ծեծ ուսելու: Տղայութեան ատեն հայրն էր զինք ծեծող, իսկ հիմայ ամուսինը:

Չէ, քաղցը չէր զինք թշուառ ընողը, և ոչ ծեծն իր սիրտը կտրտողը: Զուակի մը սէրն ունեցած էր, սիրուն ու գեղեցիկ զուակի մը՝ որ իրեն աչքին գեղեցկագոյն և սիրելի էր քան զամենայն մանկիկս մեծատանց՝ զորս կը տեսնէր ճոխաբար զարդարուած, հագուած սըգուած: Գիսակ իր ուրախութիւնն ու հարստութիւնն էր. իր բոլոր աշխարհը: Անոր համար սիրով կը համբերէր անօթութեան, կը տանէր դանից ամուսնոյն, կեանքն իրեն հաճոյ էր:

Ու թ' ամիս յառաջ, միայն քանի մը օրուան հիւանդութեամբ, Գիսակ փողացաւով մեռեր էր:

Սրտին յուսահատ ու անմխիթար ցաւէն ինքն ալ հիւանդանալով, մահուան ու կենաց մէջ ամիս մը անցնելով ի հիւանդանոցին, կրկին դարձեր էր ի տուն, ի կրել և ի նեղիլ:

Էրիկը՝ գրեթէ գոհ որդւոյն մահուանը համար, մերթ ընդ մերթ ուսերը վեր վերցընելով ու վայրագ ժպիտով մը կ'ըսէր. « Ի՛նչ փաստանօթի մը պակաս աշխարհիս երեսէն »:

Իսկ խեղճ մայրը՝ ինչպէս ու թ' տարի յառաջ միայն Գիսակայ ուրախութեամբն ու կեանքովը ապրեր էր, հիմայ ալ կ'ապրէր միայն անոր մահուան ցաւով:

Դժնդակ ու հանապազօրեայ աշխատանք՝ որով բռնադատուած էր ոգեպահիկը ճարել, թոյլ չէր տար իրեն՝ բայց միայն կիրակի օրերը այցելութիւն մը ընել այն փոսին ուր կը ննջէր Գիսակ: Երկաթեայ խաչ մը գնելու համար՝ հարկ եղած էր գրաւի դնել հարսանեկան մատանին ու օղերը. գեղեցիկ խաչ մը, որ իրեն համար եկեղեցի ու արքայութիւն մ'էր: Փափաքելի էր՝ հոն իր սիրելի զուակին քով, զինք ծածկող հողոյն տակ ննջել ու հանգչիլ:

կիրակիէ կիրակի ծաղկանց փունջ մը կը տանէր, ոչ ծաղկավաճառաց խանութէն գնուած, — զի չէր կրնար, — այլ անոնցմէ զոր Աստուած դաշտերուն մէջ կը ցանէ, ու կը բուսնին կը ծաղկին ի ցանկապատս և յանցս ճանապարհաց:

Թշուառ մայր:

Իր գտնուած երկրին մէջ վաղահաս է ձմրան եղանակը. և նոյեմբերի երկուքին, մեռելոց յիշատակին նուիրուած այդ օրը, չէր գտնուէր ծաղիկ մը դաշտաց մէջ, ճանապարհաց անցից վրայ՝ ուստի օովոր էր քաղիլ:

Չէր ու գեր, չէր կրնար առանց ծաղկի թողուլ այն օրը իր սիրելի ու վաղամեռիկ Գիտակը:

Ուստի կանուխ՝ արշալուսի բացուելուն ելաւ անէն, ծաղկավաճառի մը գնաց, հարցուց թէ ի՞նչ կ'արժէր թառամած տալիաներով կապուած փունջ մը:

Տասը դահեկան, ըսաւ:

Տասը դահեկան. պատասխանեց կինը: Պարտքով տուր ինձ դայն, և ես խօսք կու տամ կամաց կամաց վճարել:

Իր ծաղկավաճառը կարեկցութեամբ դուրսը շարժեց, և գարձաւ զո՛հ ընել անկէ՛ նո ազ աղքատներն որ պարտքով չէին ուզեր գնել ծաղկի փունջ մը:

Քաւնց բարձր քաղաքը. տեսաւ խանութներու մէջ ի տես և ի վաճառ գրուած կամեխաններ, վարդեր, մանուշակաց ու անմեռուկ ծաղկանց փունջեր: Այնչափ ծաղկանց առատութեան մէջ չի կար իրեն համար, իր Գիտակին գերեզմանին վրայ գնելու ծաղիկ մը:

Կառքերը կտնկ կ'առնուին վայրկեան մը ծաղկավաճառաց կըրպակներուն առջև. սգուգգեաց արք և կանայք կ'իջնէին դնել վարդեր, անմեռուկ ու ինչուան գարգեհիա ծաղկանց փնջեր: Իսկ խեղճ մօրը, իր սիրելի որդեկին համար չկար և ոչ ծաղիկ մը:

Խանութներուն դրան ըով կեցած էր, ու պիտի չքաշուէր նաև ուղորմութիւն խնդրելէն, որպէս զի գէթ փունջ մը, ծաղիկ մը կարե՛նայ գնել Գիտակին վրայ:

Սեւազգեստ օրիորդիկ մը, ուրախութենէ ինքիրմէ դուրս ծաղկավաճառին կրպակէն կ'ելլէր՝ պզտի բազկացը մէջ գրկելով ու հազիւ կարենալով վերցնել մեծ փունջ մը գեղեցիկ ծաղկանց՝ որ հարիւր դահեկանի արժէք ունէր:

Հառաչեց խեղճ մայրը, ու հազիւ արասուօքը բռնելով՝ մեղմա՛ւ ձայն ազաչեց. Սիրուն օրիորդ, տուր ինձ ծաղիկ մը, վարդ մը միայն իմ Գիտակիս համար:

Օրիորդը և ոչ լսեց, այնչափ զբաղած և զո՛հ էր ձեռքի փունջը ցուցնելով քրոջը որ կառքին մէջ նստած էր. Տես, կ'ըսէր, սրչափ մեծ է. հարիւր դահեկան վճարեց մայրիկս:

Ու կառքերը հտնէ ետև խոնուած կը յառաջէին դէպ ի գերեզմանատուն . ամէնքն ունէին ծաղկունք ու պսակներ զոր կը տաւէին իրենց սիրելի մեռելոց :

Կ'երթար հետիոտտ խեղճ մայրն ալ, ու չունէր ծաղիկ մը, և ոչ իսկ դաշտաց ծաղիկ մը իր անմոռանալի Գիսակին համար : Անմխիթար ու յուսարեկ, արցունքն ալ պակսեցաւ իրեն :

Հազիւ քաղքին դրան քով մտեցամ, մէկէնիմէկ կանկ տառակեցաւ . ու իր լռին ու բուռն դառաց մէջ՝ որով տեսնողին կարեկցութիւն ու սարսափ կ'ազդէր, ժմիտ մը փայլեցաւ երեսը . մանուանեց թէ գոհ և ուրախ ծիծաղ մը . աչքերը լեցուեցան արտասուզք .

Որգեանկ սիրելի, կ'ըսէր, դու ալ պիտի տնեննաս քու ծաղիկներդ այլոց նման :

Ու արագ արագ քայլափոխով տուն կը դառնար :

Եւ այն աղքատին յարկին տակ՝ ուր կարևորն կը պահէր, աւելորդ բան մը միայն կը գտնուէր : Վառարանին վրայ՝ ապակեայ զանգակով ծածկուած՝ հինումին լաթերու կտորուանքէ շինուած ծաղիկ մը կար, ժամանակէն գոյնը կորուսած, բայց դեռ ևս յեղեցիկ, որովհետև երկու սերնդեան խնամոտ երկար սիրովն պահպանուած էր : Սրուեստական ծաղկունք էին՝ զորս անմխիթար կնոջ մայրը ընծայ ընդուններ էր յամուսնոյն՝ իրենց հարսանեաց օրը, և ժառանգութիւն ձգեր էր գտերը պատուիրելով որ աշխարհի գնոյն ալ չտարացընէ զայն . որովհետև բազզ բերող՝ սիրոյ յուսուածք մ'էր :

Այդ աղքատին ու անչուք փնջիկ՝ տունէ տուն անցեր էր, լուսվկայ մը այնչափ վշտաց, առառպանաց և արտասուաց :

Մայրը՝ ինք իրմէ դուրս ելած, գողալով գողզողալով, մեծ յանցանք գործողի մը նման, վեր վերցուց ապակին, երկիւղալից աագնապով մը առաւ ծաղկըներն, առաջին անգամ գողութիւն ընողի մը վախովը, վազեց վար ինչաւ սանգուխէն, ու գերեզմանատան ճամբան բռնեց :

Կրկին ու կրկին կը համբուրէր, յուսարով թիրեւս որ կարենայ ջերմացընել իր սիրով լի ցաւերովը, և միւսանգամ կեանք տալ այն ծաղկանց : Մերթ ընդ մերթ համբուրելէն դադարելով, Մայր իմ, կ'ըսէր, գիտեմ որ պիտի ներես այս յանցանացս . Գիսակ՝ ալ պէտք է որ ունենայ իր ծաղիկը . ու մեռելոց քաղցր ու սիրալիի յիշատակին նուիրուած այս տխուր օրուան մէջ՝ քեզմէ, իր մամէն, պիտի ընգունի զայն :

Նոյն պահուն կ'անցնէին կառքեր՝ ծանրաբեռն մշտադալար պրսակօք, վարդիւք, գոյնզգոյն, քաղցրահոտ մանուշակօք որ օդը դարնանային բուրմամբ կը լեցընէին :

Գերեզմանատան դրան քով բռնադատուած էր կանկ առնուլ խեղճ կինը, բազմախուռն և ազմկալիի ամբոխէ մը արգիլուելով : Ո՛ր .

չափ սակաւաթիւ էին արտասուողք, և բազմապոյնք անոնք որ աւելի զբաղած կ'երևնային իրարու սգոյ հանդերձանքն ու արգուզարգը դիտելով:

Այդչափ գեղաղէչ ծաղկանց մէջ կարծես թէ խեղճ մայրը կ'ուզէր պահել ուրիշներու աչքէն իր փունջը՝ ամաչելով մը անոր անշուք աղքատութեան վրայ:

Վերջապէս կրցաւ մտնել ի դաշտն մահու, գտաւ իր խաչը, խոնարհեցաւ ինկաւ ի գետին ու չէր դադրեր յարտասուաց, որ այնչափ ազդու են բարեզգած սրտից վրայ:

Կապեց խաչին վրայ բերած ծաղկըները. ու համարոյները կրկնելով, կ'ըսէր ու կու լար. Մայր իմ, ներէ ինձ. մեր Գիսակին համար է. ինք ալ կը փափաքի ունենալ իր ծաղկունքը:

Գլխովն ու խառնիխուռն մազերով խոնարհեցաւ ինկաւ այդ օրհնեալ ու նուիրական հողոյն վրայ, ուր վերջին խոտք կը դեղնէին մահուամբ, և զորո չէին կարող ի կանաչութիւն փոխել խեղճ մօրը երկար ու խանդակաթ արտասուք:

* * *

Մեծ ցաւերն, ինչպէս մեծ գորովանք՝ բնութեան մէջ հրաշքներ ալ կրնան երևցնենլ:

Այն Տին ծաղկըներ, զոր մայր մը ժառանգութիւն ձգեր էր դըստերը՝ իր և յուսուածք մը, բազդի առհաւատեցայ մը, և սա՛ արտասուք և հառաչանք անմեղ ու սիրելի որդեկի մը գերեզմանին վրայ դրեր, դարձան ի թարմ, և ՚ի բազմագունեան ոսկեծաղիկս:

Ու երբ անմխիթար մայրը զլուխը վերցուց, տեսաւ բազմաթիւ գեռաբոյս ծաղկունք՝ որ պսակ կը բոլորէին որդւոյն դերեզմանին վրայ դրուած խաչին չորս կողմը, ու կապերոտի նման կը ծածկէին անոր պզտի փոսը:

Իրական ծաղկունք էին, առայգ ու թարմ ոսկեծաղիկք, որ իրենց դաւն հոտով կը յ'չեցընեն թէ ցաւոց և մահուան նուիրուած են:

Չգիտցուի թէ ով գործեց այդ հրաշքը. արգագք Գիսակին մամուն ստուերը, բարերար հոգի մը, եթէ կոյսն սուրբ ցաւադին՝ որոյ այնքան պաշտօնասէր էր խեղճ մայրը:

Պարզ ու դիւրին հրաշք մը չէր ի գերեզմանատանն այն օրը կատարուածը. վասն զի սպիտակ, դեղին ու կարմրադոյն ոսկեծաղկանց մէջ տեսաւ միշտ խաչին վրայէն կախուած այն աղքատին փունջը՝ զոր ապակեայ զանգակին տակէն վերուցեր էր:

Այն օրու ընկն ի վեր՝ ամէն տարի, պզտի փոսին վրայ, պզտի խաչին վրայ կը ծաղկի ոսկեծաղկի բոյս մը, և խեղճ մայր մը կ'արտասուէ և կը յուսայ:

ԱՄԵՐԻԿԱՅԻ ԳԱՂԹԱԿԱՆՈՒԹԻՒՆՆԵՐ

ԵՒ ՆՈՐ-ԵՈՐՔԻ ՎԻՃԱԿՆ

Որովհետև այսչափ տարիներէ ի վեր միշտ անընդհատ գաղթականներ լինելով կ'ըլլան յԱմերիկա Եւրոպայի այլ և այլ տէրութիւններէ, մասնաւոր յիտալիոյ և յիւրլանտայէ, որոց առաջինն կարօտութեան պատճառաւ և երկրորդն յԱնգղիացոց կրած նեղութիւններէն. և նոյն իսկ ազգային գաղթականութիւն մ'եղած այս հեռաւոր աշխարհս, կ'արժէ հոս փոքրիկ տեղեկութիւն մը տալ Ամերիկացոց զգալիական ընդունելու կերպին և Նոր-Եորք քաղքին վրայ, ուր ընդհանրապէս կ'իջնեն գաղթականք:

Երբ շոգենաւ մը հասնի յԱնգղիայէ կամ յիւրլանտայէ ի Քասթլը-Կայտըն հանդերձ գաղթականք, արդէն մասնաւոր կանոնք հրատարակեալ են այս նկատմամբ, նաականեր կան որ զգաղթականս կը բերեն, և ապա կը մտցընեն զամենքն մեծ բոլորածև շէնքի մը մէջ որ ատենօք թատրոն էր: Յետոյ կարգաւ կը կենան պաշտօնէից առջև որոնք իւրաքանչիւրին անունն, հայրենիքն, սրտչալ տեղն զրի կ'անցընեն: Երևակայեցէք թէ ինչպիսի բարեկարգութիւն պէտք է այնչափ հազարաւոր անձանց վրայ այս գործն կատարելու համար անչիտթ, որոնք շատ շոգենաւերով մէկտեղ կը հասնին երկու օրն մի անգամ, գիշեր կամ ցորեկ անորոշ ժամու: Մինչդեռ այսպէս կարգաւ շարուած են և անուններն կը գրուին որոց մերձաւորքն կամ ծանօթքն հոն մերձ սրահի մը մէջ են՝ անցնելու մասնականին դուրս ելլելու համար անուննին կը լսեն որուն պէտք է անդէն պատասխանել: Եթէ գաղթական մը գիտէ իւր նպատակն՝ փութով երկաթուղեաւ կը զրկեն իրեն աղխիւքն հանդերձ: Իսկ եթէ չեն գիտեր թէ ուր պէտք է երթան և չունին ծանօթ անձինք, այն ատեն մասնաւոր կանոնք կան առ այս որ յիրաւի կարևորք են: Եթէ ծանօթ ունենան հեռաւոր տեղեր, հեռագիր կը զարնուի իմաց տալու. ապա թ', ոչ պէտ: Է այն տեղոյն մէջ մնալ առանց թափառելու քաղաքին մէջ գործ մը, տեղ մը գտնելու պատրուակաւ. այս վերջին կանոնս մասնաւորապէս կանանց և աղջկանց համար է, որոց և ազգարարութիւն կ'ընեն առանձինն նաւահանգստին մէջ, ամենևին առաջարկեալ գուշանց ինչ յանձնառու չըլլալ:

Արդ որչափ մեծ է կարգաւորութիւնն զգաղթականս ընդունելու համար, այնչափ առանձնական անձի մը որ կը գաղթէ, շատ գծուարութիւններ ընդ առաջ կ'եւլեն: Նոր-Եորք յիրաւի Բարելոն մ'է.

ամենայն անձն որ մոռնէ միանգամ կը կորսուի իբր կաթիլ մը յանգունդս: Հինգ քաղաքէ կը կազմուի Նոր-Եորքը, ճշմարտիւ խօսելով, և երկու ու կէս միլիոնէ աւելի բնակիչ ունի: Այն ժամանակաւոր և հոգեւոր վնասքն և նաւարեկութիւնք քաղքին մէջ, թէպէտ հսկողութիւնն լաւ է, և ըստ չափու. և լաւ բաշխուած է ոստիկանութիւնն. ճամբաներն ղեղեցիկ են և կարգաւորեալ, ախտից և ապականութեանց տեղերն օր ըստ օրէ կը նուազին և կ'անբերութեանն. բայց ժողովրդեան գունդագունդ բազմութիւնն այնչափ մեծ է և տարօրինակ՝ որ ճամբաներն անբացատրելի շառաւիմամբ յի է վաճառողայ և տուրեառի երթևեկութեամբ: Ֆիֆթ Աւընյու (Fifth Avenue) ճամբան և ուրիշ մեծ և բազմազնաց ճամբաներ շատ անգամ ժամերով անանցանելի են հարուստներու ծառայից անդիմադրելի հեղեղին պատճառաւ: Ճամբաներն կրանիղէ յատակեալ են, որպէս զի կարենան ընդդիմանալ և տեւել անընդհատ հարուստոց, սալամարակ ձիոց անդազար ընթացից, անուոց շփման, և ամբոխն գնացից. մինչդեռ երկաթուղւոյն ամենաբարձր կամրջոց վրայ տան գլխաւոր ծառազարդ ճամբաներուն շորսին մէջ, մարդկանց գլխոց վրայէն կը թռչին կառախումբք երկաթուղւոյն, որոնք օրն կէս միլիոնէն աւելի ճամբորդ կը տանին. և ի ստորև չոգւով տրամուղեաց երթ և դարձն կողմնական ճամբաներու մէջ յամենայն կողմանց, այնպիսի ժխոր և աղմուկ կը պատճառէ որ ականջ կը խշացնէ, մինչդեռ մարդս մը տօք կը զարմանայ այսպիսի աննման շարժման վրայ: Քաղաքական ոստիկանն որ ամենայն քառուղեաց կեդրոն կեցած է, ուր չորս կողմէն կը հասնին բազմութեամբ կառք, հանրակառք, երկանիւք և սայլք, բաւական է որ ձեռնոցափակ մատը վերցընէ և բովանդակ բազմութիւնն մէկէն կը կենայ, ճամբայ թողլու արանց և կանանց և մանկանց բազմութեան: Եւ երբ կը խոնարհեցընէ մատն, դարձեալ ի միասին կը իրաոնուին ճանապարհաց գիծերն:

Այսպիսի աշխարհի մէջ մոռնող անօգնական դաղթական աղջկան կամ կնոջ համար քահանայի մը զիւցազնական ողորմութիւնն և անխոնջ հսկողութիւնն պէտք է խնամ տանելու համար:

Այս նորօրինակ կենդանութեան համեմատ ալ է տեղւոյն հարըստութիւնն և աղքատութիւնն:

ՎԼԱՍՄԿԱՌՆԻԱՑԻ

ՎԵՆԵՏԿԵԱՆ ՊԱՏՄԱԿԱՆ ՎԷՊ ԺԶ ԴԱՐՈՒՆ

(Ցես յ'էջ 345)

ԳԼՈՒԽ ԻՆՆԵՐՈՐԳ

Անյաչող խորագիտութիւն

Վենետոյ Հասարակագիտութեան պաշտօնեայք, ճշմարիտ և կամկարծեօք եղեանաւոր Համարուածներուն վրայ ամէն տեսակ փորձ 'ի գործ դընելէ վերջը, որովք կը ջանային 'ոցա բերնէն իրենց վրայօք եղած ամբաստանութեան խոստովանութիւնը կորզել, կը դիմէին ճարտար և շատ անգամ յաջող խորագէտ Հնարից. և երբ այս վերջիններս 'ի դուր ելլէին, այն ժամանակ ամբաստանեալն տանջանաց բարբարոս փորձին կ'ենթարկէին:

Այս վատաՀամբաւ պատիժս, զոր Հնարեր են յայտնապէս բռնաւորք, և զոր 'ի գործ գրեր են ևթէ աշխարհական և ևթէ եկեղեցական դատաստանարանք, մինչև անցեալ դարուն վերջերը, (յոժանց նաև մինչև ներկայ դարուն սկիզբները), կը ցուցնէ յայտնի կերպով թէ ինչպէս այն դարերն անգութ և չարասիրտ էին, և թէ ինչպէս մարդկային ազգի բարոյականութիւնն դեռ շատ հեռի էր ազդելու դատաստարաց սրտին մէջ այն մարդասէր զգացմունքը, որ յետոյ տարեաց շրջաններ վրայ անցնելով, Հասաւ մինչև այն աստիճանին՝ որ ոչ միայն ջնջեց այս բարբարոս փորձերը, այլ նոյն իսկ նաև մահուան պատիժը. խորհրդածելով որ նոյնն թէ մարդկային և թէ միանգամայն աստուածային օրինաց դէմ էր. որովհետև մարդս չունի իշխանութիւն բառնալու ինչ որ չէ կարող շնորհել... Բայց մենք դառնանք մեր պատմութեան:

Ուստի, նախ քան մտանելու զՎիկտորինէ տանջանաց պատժոյն, ուզեց Քառասնից Ատենապետն 'ի փորձ գննելիւր սովորական խորագիտութիւններէն մէկը:

Այս պատճառաւ ուրեմն, առաւօտ մը, չարասիրտն շէլթրուտ, կեղծաւորութեամբ սևեր Հագուած, բանտապահին ներկայանալով յանձնեց թուրք մի. զոր երբ կարգաց պահապանն խոնարհաբար ծոռեցաւ, և առաջ նորգեց ձէլթրուտի այն առանձնախորշը՝ ուր փակուած էր դժբախտ Վիկտորինէն: Մութ խղիկին դուռը բանալով վառեց ջահ մը, և բանտին մէջ մտնելով ըսաւ բանտարկելոյն.

— Տիկին, կնիկ մը կը փափաքի քեզի Հետ խօսակցիլ:

Այս ըսելով պահապանն՝ թողուց ջահը բանտին մէջ և քաշուեցաւ:

Ձէլթրուտի երևնայն բանտարկելոյն զարմանք ազդեց. և նեղ խղիկին մէջ տեղը կանգ առնելով՝ ըսաւ.

- Դու այս տեղ...
— Այժմ, Վիկտորինէ. իմ մայրենի սէրս մղեց զիս այս խօսակցութիւնս ուզելու, ուստի կրնայ կախուած լինել թէ՛ քու և թէ՛ իմ երջանկութիւնս:
— Խօսէ տիկին. պատասխանեց բանտարկեալն:
— Խօսելիքս կարճ կը կապեմ, ըսաւ ձէլթրուտ, ըստ ամենայնի Հաւատարիմ մնալով՝ ինչ որ իրեն պատուիրեր էր Քառասնից գլխաւորն:— Եւ լաւ մը գննելով ամբաստանելոյն գէմը՝ իրեն խօսքերուն գործած ազգեցութիւնն իմանալու համար, աւելցուց. Քու վրադ դրած եմ բովանդակ յոյսս:
— Ի՛մ վրաս, պատասխանեց Վիկտորինէ ապշած, դեռ չհասկընալով այն կատակերգութեան հանգոյցը. — Բայց ինչպէս, ինչ կերպով:
— Ես մայր եմ. և ինչ որ ես քեզի, գէմ գործեցի, նոյնը նաև պուն պիտի գործէիր ինծի գէմ, եթէ իմ դիրքիս մէջ լինէիր: Ուստի եթէ որ և իցէ միջոց ՚ի գործ կը դնեմ՝ որդիս գտնելու համար, պէտք չէ որ քեզմէն աւտելութեան և կամ մեղադրութեան ենթարկուիմ, ըսաւ ձէլթրուտ:
— Բայց, տիկին...
— Թող որ խօսիմ, վրայ բերաւ ձէլթրուտ. իսկ եթէ վրէժխնդրութեան և կամ արծաթսիրութեան ոգւով մղեալ ՚ի գործ գրիր այդ եղեռնագործութիւնս...
— Տիկին... գոչեց Վիկտորինէ զայրացած. Բայց միւսն առանց ուշ դընելու շարունակեց.
— Եթէ մօրեղբորդ ժառանգութիւնը ձեռք բերելու նպատակաւ, որ զիս տէիր թէ որդւոյս մահուընէն վերջը քեզի պիտի մնայ, այն խեղճ տղան սպաննեցիր, Հիւսա քու ձեռքդ է այդ շարեաց դարման ասնիլ, զոր ապահով եմ թէ հոսաց այլայլութեան վայրկեանի մը մէջ միայն գործեցիր:
— Այդ անարժան կասկածովդ, տիկին, Հիւսա զիս ամէն բանէ աւելի կը նախատես, պատասխանեց Վիկտորինէ. Կասն զի այս տիղերուս մէջ ալ եկած ես թշնամանելու զթշուառութիւնն, ուր պէտք էր յարգել գէթ եզկելուց մը ցաւը, որ բռնադատեալ է կրելու անիրաւ պատիժ մը, որոյ միակ պատճառն է անզգամ զրպարտութիւնդ:
— Դուն ալ մայր ես, Վիկտորինէ. և եթէ զային քեզի իմացընէին որ որդիդ յափշտակուած և կամ սպանուած է, ինչ պիտի ընէիր, հարցուց ձէլթրուտ:
— Ե՛ս. ես ցաւէս կը յիմարէի, ըսաւ Վիկտորինէ:
— Եւ միթէ ամէն միջոց ՚ի գործ պիտի չդնէիր զիրքը վերահաս մահուընէ ազատելու համար. եթէ դիպուածով ողջ լինէր, հարցուց ձէլթրուտ:
— Ո՛հ, յայտնի է թէ այժմ:
— Ուստի դուն՝ զքեզ Հիւսա իմ տեղս դիր. և մտածէ որ ես մայր եմ, և քեզի գէմ ՚ի գործ դրած իրաւցընէ խիստ, բայց սարագայէն պահանջուած այսպիսի վարմամբս հանդերձ, իմ սիրտս ոչ թէ ատելութիւն կը սնուցանէ քեզի գէմ, այլ ընդհակառակն ներողամտութիւն: Ըսէ ուրեմն, ինչ ըրիր իմ որդիս, ո՛ր է Հիւսա ինքն. և ես կը խոստանամ իմ պաշտպանութիւնս, քեզի գէմ սկսուած դատաստանը խափանելու համար: Քու խոստովանութիւնդ ուրեմն կարող է միայն շնորհել ինձ այն երջանկութիւնն՝ զոր ինձմէ յափշտակեցիր, և քեզի՝ այն ազատութիւնն զոր կորսընցուցիր:
— Քիչ մ'առաջ ըսիր, տիկին, որ քեզ նման՝ ես ալ մայր եմ, Հետեւաբար չեմ կրնար հասկընալ թէ ինչպէս կրնաս ենթադրել, նոյն իսկ վարկեան մի միայն, թէ ես այդպիսի պժգալի եղեռնագործութիւն մի կատարած լինիմ: Ոչ. տիկին. մի կասկածիր. այդպիսի կասկած՝ նոյն իսկ բնու-

թեան դէմ նախատինք մ'է. վասն զի լաւ գիտնալով թէ որպիսի մեծ է մօր մը՝ իւր արգանդին սլաղոյն վրայ ունեցած սէրն, նոյն իսկ բնութիւնն ինքն-իրեն հակառակ պիտի կանգնէր, եթէ ուզած լինէի շաղխիսէլ ձեռքերս այն անմեղին արեամբ: Ոչ, տի/ի/ն, զայդ մի պնդիր. մայր մը՝ չի կրնար և ոչ իսկ կասկածել, որ ուրիշ մայր մը՝ այդպիսի սպանութիւն կարող եղած լինի կատարել:

Այն դժբախտն այնքան անկեղծ էր, որ չէր անդրադառնար իւր դէմ հընարուած դաւն. բայց իւր խիղճն այնքան մարուր էր, որ առանց իւր ուզելուն, բերանը կը դնէր իւր դատին պարզ ճշմարտութեան պաշտպանութիւն:

— Իրաւ է, պատասխանեց ճէլթրուտ կեղծաւորութեամբ, չեմ կրնար ժխտել որ ըսածներդ անուրանալի ճշմարտութիւնք են: Հաւատա որ ամբողջ ունեցածս կը բաշխէի անոր՝ որ իմ՝ որդիս ինծի դարձրնէր:

— Հարկ չկայ որ զայդ բանս, պատասխանեց Վիկտորինէ, ամէն մարդ համոզուած է ըսածիդ:

— Եւ եթէ այդ ալ բաւական չլինէր, շարունակեց ճէլթրուտ, աւելի ևս առջի բնածն հաստատելով, սով որ ալ լինէր յանցաւորն՝ առանց պատժի պիտի մնար. վասն զի եթէ ազատ է և ոչ իսկ անունը պիտի տամ. իսկ եթէ արգարութեան ձեռքն ընկած լինի՝ իւր դէմ եղած վրէժխնդրութեան վճիռը քնջել պիտի տամ:

Այս կերպով խօսակցութիւնը վերջացրննին՝ իրաւքնէ խորամանկութեան քաջարուեստ հնարք մէր, բայց Վիկտորինէ, որոյ խիղճն բնաւ խայթ չուներ, պարզօրէն պատասխանեց.

— Կը փափարիմ, տի/ի/ն, որ սրտիդ իղձերը կատարուին. գէթ այսու ես ալ բանտիս մէջ կրած թշուառութեանցս վերջը կը գտնէի, ուր առողջութիւնս կարգէ դուրս կը վնասուի, և ամէն մէկ օրը որ կ'անցնի՝ իմ պատուոյս վրայ մէկ մէկ բիծ կ'աւելնայ:

— Բայց մինչև որ յանցաւորն չյայտնուի, դժբախտաբար պիտի չարչըրկուիս դո՛ւ այս ահաւոր բնակարանիս մէջ, պատասխանեց ճէլթրուտ:

— Մեծապէս վատա՛հ եմ որ անմեղութիւնս պիտի հրատարակուի դատաւորներէս, որով և ի՛նչ ատենէն ազատութիւնս պիտի ձեռք ձգեմ:

— Այ՛ս խաբուիս, ըսաւ ճէլթրուտ դաւն ատելութեամբ, տեսնելով որ իւր յոյսն 'ի դերեւ ելած էր և իւր փափաքած խոստովանութիւնը երազած իր մը դարձաւ:

— Ինչու համար, հարցուց Վիկտորինէ:

— Վասն զի արտօրին փաստերը քեզի դէմ են:

— Բայց նաև շատ անգամ սխալ կրնան լինել. և իրաց ճշմարտութիւնն զանոնք ստու պիտի հանէ. և իմ անմեղութիւնս ամենուն առջև պայծառ պիտի ծագի՝ լուսաւոր արեգական պէս:

— Այ՛ս. բայց զիտե՛ս թէ ինչ միջոցներով պիտի ծագի այդ փափաքած լոյսըդ, ըսաւ ճէլթրուտ ատելութեամբ:

— Աստուծոյ օգնութեամբ և դատաւորներու իմաստութեամբ, պատասխանեց անկեղծարար բանտարգետին:

— Ոչ մէկով և ոչ միւսով, վրայ բերաւ ճէլթրուտ, այլ միայն տանջանքով, որ միակ հնարք է յանցաւորաց բերնէն դուրս հանելու այն եղերանց խոստովանութիւնը, զորս ծածկել կը ջանան կեղծեօք, իբրև զո՛հ մը, իբրև անմեղ մը բողոքելով:

— Տանջանքով, հարցուց Վիկտորինէ զարհուրած:

— Այո, աւելցուց ճէլթրուտ. կը սարսափեցընէ զքեզ, հա՛:

— Ո՛հ, Տէր Աստուած, Տէր Աստուած. տանջանքր... գոչեց Վիկտորի-
նէ, երկու ձեռքք երեսը գոցելով և վախէն զող հլած:

— Խոստովանէ ուրեմն, կրկնեց այն ատեն վրէժխնդիր կինն. խոստովա-
նէ յանցանքդ, և չարչարանքն քեզի կը խնայուի:

— Բայց ես խոստովանելու բան չունիմ, տիկին:

— Այն ատեն պիտի մեռնիս. վրայ բերաւ խղզուկ ձայնով ճէլթրուտ,
մեկնիլ ձեւացընելով:

— Բայց, տիկին, Աստուծոյ սիրոյն համար կ'աղաչեմ, ըսաւ բանտարկեա-
լը՝ ձեռքերն իրարու բերելով, դուն միայն կրնաս զիս ազատել: Կ'աղաչեմ
մի թողուր զիս դահճին ձեռքը. չեմ կրնար այն զարձուրիլի պատժոյն
գիմանալ:

— Այն ատեն խոստովանէ, կրկնեց ճէլթրուտ, կարծելով որ սարսափե-
ցուց իւր գոճը. այս միջոցը միայն կը մնայ քեզի՝ սարսափելի տանջանքէն
ազատելու համար:

— Ուրեմն զիս եղեռնագօրծ կը համարիս:

— Ոչ միայն ես, այլ նաև յու գատաւորներդ:

— Ո՛վ Աստուած իմ, կրնամ աւելի գծրախտ լինել:

— Խոստովանէ. և ոչ միայն ազատութիւնդ, այլ նաև իմ ունեցած բոլոր
հարստութիւնս՝ խոստովանութեանդ վարձք պիտի լինին... հա՛պա...:

— Գուրս ել, տիկին, ել գնա: Գուն բունի իմ գատապարտութիւնս կ'ո՞ւ-
գես ինձմէ: Գեռ գոճ չեղար յափշտակելովդ ինձմէ սեփական ժառանգու-
թիւնս, եկած ես հիմա նաև զուարճանալու վայրկնի յաղթութեանդ վրայ:
Այո, պիտի մեռնիմ ես. բայց այն աճաւոր տանջանաց մէջ ալ պիտի կարե-
նամ գոչել որ անմեղ գատապարտուեցայ, և թէ դուն մահս երազեցիր՝
չարութեամբ ձեռք բերած հարստութիւններդ անխռով վայելելու հա-
մար... Բայց պիտի տեսնես, տիկին, շարունակեց եղկելին՝ ներքին հաս-
տատուն համոզման ձայնով մը, պիտի տեսնես՝ որ քիչ ատենէն ամէն ար-
տաքին երևցած փաստերն սուտ պիտի ելլեն. և ես ձեռք պիտի բերեմ այն
ազատութիւնս՝ ուսկից զիս զրկեցիր. և թէ՛ օր մը պիտի կարենամ կրկնակի
մարդասպան կոչել զքեզ:

— Տիկին... վրայ բերաւ ճէլթրուտ աներիտաբար, իբրև միբաւորուած
կին մը. մտածէ ո՛վ ես դուն և ո՛վ եմ ես: Ո՛վ կրնար օրդիս յափշտակել,
եթէ ոչ դու միայն, որ մօրեղբորդ ժառանգութեան տէր դառնաս:

— Գուրս ելիր, տիկին. դեռ աւելի մի գրպարտեք զիս: Եատ իսկ համբե-
րիցի, ալ չեմ կրնար գիմանալ ներկայութեանդ:

— Ուզածիդ չափ յամառ եղիր, ըսաւ ճէլթրուտ, լի ատելութեամբ նա-
յուածք մի ձգեցով իւր գոճին վրայ. շատ լաւ, կը տեսնենք: Տանջանքը պի-
տի կարող լինի հանել բերնէդ այն խոստովանութիւնը զոր չկրցայ:

Այս ըսելով գուրս ելաւ բանտէն, և աճապարեց իմաց տալու ֆառաս-
նից Ատենապետին՝ իւր բանտարկելոյն հետ ըրած խօսակցութեան անյա-
ջող ելքը:

ԳԼՈՒԽ ՏԱՍՆԵՐՈՐԴ

Խելքը բռնացաճն

Մինչդեռ ձէլթրուտ՝ Գառասնից Առննապետին հետ կը զրուցէր, (որ յետ լսելու ինչ որ բանտարկեալն պատասխաններ էր, հրաման հանած էր գլխկտորինէ տանջանաց փորձին ենթարկելու), ամբաստանելոյն խղիկին մէջ կը մտնէր Գէորգ, որ թիչ յառաջ անօրինումն տուեր էր տեսակցելու իւր կնոջ հետ՝ բանտապահին հսկողութեան ներքեւ:

Յետ առաջին սիրոյ ցոյցերու, այն երկու թշուառներն սկսան խօսիլ ամեն բանէն աւելի իրենց հաճելի նիւթոյն վրայ. և ինչպէս ամէն ոք կրնայ գուշակել, Վիկտորինէ տեղեկութիւններ ուզեց իւր ամուսնէն իրենց տղուն վրայօք, համարելով եղկելի մայրն որ իւր այբն զինքը Գարմանոցէն առած լինի:

Այսպիսի հարցման մը վրայ Գէորգ չէր գիտեր ի՛նչ պատասխանէ. բայց միւս կողմէն ալ ուզելով իրին ստուգութիւնն իմանալ, ըսաւ.

— Ահաւասիկ, Վիկտորինէ. ուզեցի տեսնել զքեզ ոչ միայն քու առողջութեանդ, քու գատաստանիդ թէ՛նչ կերպ առաջ տարուելուն վրայ տեղեկանալու համար, այլ նաև մեր սիրուն որդւոյն վրայօք խօսելու համար:

— Ապրի՛ս, Գէորգ. խօսէ ուրեմն մեր որդւոյն վրայ, կանչեց լի ուրախութեամբ խեղճ կնիկն: Ա՛խ, գիտնայի՛ր թէ որչափ կը ցաւիմ զինքը տեսնել չկարենալուս համար: Գիտցիր, սիրուն Գէորգս, գիտցիր որ այս բանտըս դառն կու գայ ինձի՛ մանուաւնդ քիզի և որդւոյս համար... Ըսէ ուրեմն առձոջ է մեր տղան. գեղեցիկ է. ինչո՞ւ համար զինքն ալ հետք չբերիր. ախ, թէ կարենայի տեսնել զինքը...

— Ըսէ, Վիկտորինէ, պատասխանեց Գէորգ, զուր տեղ ջանալով ձայնին այլալուծիւնը պարտրկել. ձախորդ լուր մը լսելու քաջութիւն ունի՛ս:

Վիկտորինէի գոյնը նետեց, և ձեռքերը գլխուն մազերուն մէջ խօթելով, հարցուց.

— Ի՞նչ, մեռա՛ւ:

— Ոչ, պատասխանեց Գէորգ:

— Լաւ ուրեմն, ըսէ, խօսէ. ի՛նչ եղած է որդւոյս:

— Վիկտորինէ, սիրտս առաջ չերթար բսելու:

— Հիւանդ է արդեօք:

— Եւ ոչ:

— Ուրեմն ինչու համար կը վշտանաս:

— Ահաւասիկ, պատասխանեց էրիկն, գծուարութեամբ հնչելով բռուրը. Տղան Գարմանոցը չէ:

— Է՛հ, ըսաւ Վիկտորինէ բոյորովին ապուշ դարձած, խաբուած ես:

— Երանի՛ր թէ խաբուած լինէի:

— Նշաններ կեցեր են:

— Չկան այդպիսի նշաններ Գարմանոցին վարչութեան քով:

— Բայց Գենովափէ գայեակն՝ որ զինքը Գարմանոց տարաւ...:

— Մեռած է:

— Մեռած է... ախ, սիրելի Գէորգս... խելքս գլխէս կ'երթայ, պատաս-

խանց ցնորելով իեղճ մայրն. որոյ աչքերն հրեղէն փայլակներ կ'արձը-
կէին, և զարհուրած կը տնկուէին էրկան վրայ, որ հարցուց իրեն.

- Մինակ էիր՝ երբ տղան գայեկին յանձնեցիր,
- Մինակ, պատասխանեց մեքենայարար կինն:
- Գեկտեմբեր 20 ին, երեկոյեան ժամը իննին էր:
- Այո՛...

— Ասոնք էին այն նշանները, զորս զրիր տղուն կապերուն վրայ, հար-
ցուց Գէորգ ցուցընելով զանոնք կնկանը, որ ապուշ նայուածքով վայրկեան
մը դիտեց զանոնք և ըսաւ. Ասոնք էին:

— Լաւ ուրեմն, ըսաւ Գէորգ, (առանց ուշ գնելու որ կնոջը գէմբին վրայ
յանկարծական փոփոխմունք կատարուեր էին), մեր որդին առանց ամենե-
ւին տարակոստի կորսուած է:

— Կորսուած, սրտաճւղիկ ձայն մ'արձակեց մայրն. իսկ դուն ամենեկին
ցաւ չնս զգար, իսկ դուն ամենեկին հոգ չնս ըներ...

— Ո՛հ, յիրաւի կը ցաւիմ, պատասխանեց Գէորգ, այս անգամ գննելով
կնոջ գէմբը, տնանելով զայն զունաթափ և աչքերը կարծես իրենց խորչէն
գուրս ցատքելով:

— Չէ, չէ, կարելի բան չէ, ըսաւ Վիկտորինէ. սուտ ըսիր... զու բնաւ
սէր չես զգար...

— Ի՛նչպէս, քիչ կ'ըսես, պատասխանեց Գէորգ ինքնիրմէն զուրս ելած
և կնոջը մտենայտով:

— Բայց ինչո՞ւ չեմ երթար զինքը առնելու, ըսաւ իրեն կինն՝ սիրալիր յան-
գիմանական ձայնով. տղայ մի զոր դեռ չես տեսած... որ քու որդիդ է...
Չարասիրտ... դնա շուտով. հոս բեր զինքը... կ'ուզեմ զինքը տեսնել. կը
հասկնաս...

— Տէր Աստուած... Վիկտորինէ... քու խօսելու կերպդ...

— Մանաւանդ թէ ոչ... կեցիր, ես երթամ Կարմանոց մեր որդին առնե-
լու... տեսնես որ ինձի պիտի տան. — Այս խօսքերս ըսելով՝ երթալ կ'ու-
զէր, բայց ոտքերը զինքը չէին կրնար բռնել. և քանի մը քայլ առնելով ին-
կաւ ամուսնոյն բազկացը մէջ, որ վազեց բռնելու զինքը. և սկսաւ գոչել.
Չեմ կրնար... չեմ կարող... Չեմ ունիմ, գլուխս կ'այրի... կուրծքս կը
բորբորի... Ախ, որդիս... որդիս... Հառաչեց, և ընկաւ խշտեկին վրայ,
ընդհատ ընդհատ կորսուած տղան կանչելով:


Եղկելին խելըր թռուցեր էր:

Այն վայրկեանին բանտին զրան առջև ներկայացաւ Ատենին խորհրդա-
կաններէն մին, ձեռքը բացուած թուղթ մի կրելով և հետը քանի մը զի-
նուորք, որք այն տեսարանին հանդիպելով կանգ առին և խորհրդականն
հարցուց Գէորգի եղած չեղածը.

Իեղճ ամուսինն, ընկճեալ ցաւերէ. պատմեց պաշտօնէին մանրամասն ու-
ճով՝ ահաւոր գէպքը: Ուստի շուտ մը բժիշկ կանչել տուին և Գէորգը բան-
տէն զուրս հաննելով՝ եղածը Քառասնից Ատենապետին ականջն հասուցին.

Հանդիպածն իմանալով՝ պաշտօնեայն քանի մը տող գրեց խորհրդակա-
նին ձեռքն եղած թղթոյն վրայ և հրամայեց որ բանտարկեալը բանտին հի-
ւանդանոցը տանին, ուր հոգ տարուի իրեն՝ պարագային պահանջածին
համեմատ:

Խորհրդականին ըբրած հրամանն էր զՎիկտորինէ տանջանաց փորձին
ենթարկելու պատուէրն:



ՀԱՄԱՌՈՑ ՏԵՍՈՒԹԻՒՆ

Ի ՎԵՐԱՅ ԲՆԱԿԵԼԻՈՒԹԵԱՆ ՄՈՂՈՐԱԿԱՑ

(ՑՆՍ ԴԷՂ 364)



ՄՊԼՍ զի գաղափար մ'առնունք մուրակաց մեծութեան
ենթադրենք երկրիս մեծութիւնը 1, միւս մուրակաց կը
լինի յաջորդ թիւեր.

Փայլածուին	0,1	Լուսընթազին	1470,2
Արուսեկին	0,9	Երևակին	887,3
Երկրիս	1,0	Ուրանոսին	80,0
Հրատին	0,2	Պիսիդոնին	84,0

Բայց զեռ աւելի պարզ բացատրելու համար, համարինք արևու
մեծութիւնն այնպիսի գունդ մի որ ունենայ 2 ոտք կամ 0,61 հարիւ
րորդամէդր տրամագիծ, և այս գունդս ներկայացնէ դուռմ, այն ժա
մանակ

Կորեակ կը ներկայացնէ զմեծութիւն	Փայլածուի
Փոքր ոլոռն	»
Միջակ ոլոռն	»
Կնդասեղ	»
Նարինջ	»
Միջակ խնձոր	»
Պարզ կեռաս	»
Մեծկակ կեռաս	»
	Արուսեկի
	Երկրիս
	Հրատին
	Լուսընթազին
	Երևակին
	Ուրանոսին
	Պիսիդոնի

Վերահասու լինելով այս կերպով հեռաւորութեան և մեծութեան
արևու և մուրակաց, կը յաւելում որ ըստ Կոպեռնիկեան դրու
թեան, երկիրս իւր տարեկան շրջանը արևու շուրջ կը կատարէ մանր.

երկրորդի մէջ 28 վերստ կամ 30 քիլոմէտր. իսկ արևն՝ որ ինքնիշխան տէր է երկրիս և մոլորակաց, աստիճանաբար կը թաւալի տիեզերաց մէջ, ունենալով կեդրոն ձգողութեան Ալգիոն աստղը. անշուշտ Ալգիոն ևս անսահման տիեզերի մէջ կը թաւալի մի ահաւոր շրջանով. այլ աստեղ չուրջանակի, որ մեզ անձանօթ է:

Ի վերոյ ասացելոցս գուցէ մարդս կը համոզուի՝ թէ մեր երկիրը՝ բովանդակ արարչութեան մէջ, ամենափոքր նշանակութիւն ունեցող մոլորակ մի է, ուստի եթէ բոլորովին յոչինչ դառնայ ևս, հազիւ հազ զգալի պիտի լինի բոլոր լուսաւոր մարմնոց գրութեան մէջ:

Աւրեմն երբոր մարդս ճանչցաւ իւր սխալմունքը, երբոր տեսաւ կոպեռնիկեան գրութեան մէջ թէ արևու շուրջ կը թաւալին նաև այլ մոլորակք, որք մի և նոյն իրաւամբ կարող էին լինել կեդրոն տիեզերիս, նման մեր երկրիս. միով բանիւ, երբոր յայտնի եղաւ որ այս գրութիւնս չէ միակ յանսահման միջոցի, իսկոյն խնդիր ելաւ թէ արդեօք միայն երկրիս բնակիչք կը վայելին տիեզերաց այս հրաշալի ներդաշնակութիւնը, միթէ չկան յայլ մոլորակս կեանք և կենդանիք, և նոյն իսկ բանականք, որք բանեցընէին իրենց բոլոր հոգեկան ոյժեր առ ի հասու լինել անսահմանին և լուծել առաջիկայ հարցոց թէ կան բնակիչք և յայլ մոլորակս թէ ոչ:

Աստուծոյ ամենակարողութեան առաջ չկան անհնարինք. ուստի դժուարին է հաւատալ թէ Աստուծոյ արարչական կամքն և զօրութիւնն՝ սահմանափակուէր միայն յայնս՝ զորս կը տեսնեմք երկրիս վրայ. ուր մնաց որ երկրիս ամենափոքր է և չնչին առ ի բովանդակել ամէն հնարաւոր կենդանիս: Այսու համոզմամբ և հիմնուելով գիտութեան արդեանց վրայ, նախնիք մեր ոչ միայն ընդունեցան թէ կայ կեանք ի մոլորակս, այլ մինչև անգամ մտածեցին կանոնաւոր և անփոփոխ կապակցութիւն մի հաստատել այն բնակչաց հետ, որք հետու են մեզմէ աշխարհներով. ի հաստատութիւն որոյ ահաւասիկ քանի մի դէպք:

ՅԱմերիկա գտնուած է երկնաքար մի, որոյ վրայ ագուցեալ էր մետաղեայ թիթեղ մի, զոր հանելով վրայէն, երկնաքարին վրայ փորագրուած տեսնուէր են բոլորակներ, որոց դիրք ճիշդ կը համապատասխանէին մեր արևային գրութեան, եթէ նայելու լինէինք Հրատէն: Իրողութիւն համարելով զայս, նախնիք մեր իրենց երևակայութեամբ հաստատուն կերպով ենթադրեցին թէ Հրատին մէջ կան աստեղաբաշխք:

Հուշակուտոր Հ. Քիրիտեր քահանայն այնպէս համոզուած էր թէ կայ կեանք ի մոլորակս, որ իւր Աստեղաբաշխական հմտալից գրոց մէջ բազմաթիւ առաջարկութիւններ կ'ընէ այս տեսակէտով:

Առաջարկուեցաւ նաև հեռագրական հաղորդակցութիւն մի հաստատել Հրատին հետ ի ձեռն երկրաշափական ձևոց գոյնզգոյն նշան.

ներով, հետեւեալ պատճառարանութեամբ. Յիժէ կան մարդիկ 'ի Հրատ, անտարակոյս նոցա մէջ կը լինին և թուարանագէտք. եթէ կան թուարանագէտք, ուրեմն ծանօթ պիտի լինի նոցա Պիւթագորեան հայեցողութիւնն, հետեւաբար կ'արժէ որ երկրիս վրայ ամէն կողմն շինուին մեծամեծ ուղղանկիւններ, որով և հարցնել նոցա թէ ինչ բանի հաւասար է ուղղաձիգներու քառակուսեաց գումարը. իսկ նոցա կը մնայ հարցընել մեզի հակուղիղներու քառակուսեաց գումարը:

Եղան մինչև մտածույք իսկ գրութիւն մի հաստատելու ընդ բնակիչս մոլորակաց, զուգորդական հայելեաց մէջ ամփոփուած խուրճ խուրճ լուսոյ ճառագայթներ ուղարկելով, ըստ այնմ կարծեաց թէ՛ լուսոյ ճառագայթք պիտի տեսնուին յԱրուսեակ, ի Հրատ և ի Պիսիդոն իսկ: Ոմանք համարեցան նաև թէ լուսաւոր կէտեր, որք արդէն մերձաւոր մոլորակաց վրայ փորձուեր էին, կրնան լինել իբրև նշաններ, երկրիս վրայ ծառայելու համար փոխանակ լծղթակցութեան: Սոցա նման ենթադրութիւնք և կարծիք շատ են, զորս պէտք է համարել մարդկային երևակայութեան գիւտք և ոչ եթէ ուսումնական ճշմարտութիւնք:

Թակայն ինչ էր պատճառ և երբ աւելի յասպարէզ ելան այսպիսի երևակայութեան արդիւնք:— Սնմիջապէս երբ հեռադիտակ գտնուեցաւ 16և2ին, յորում մարդկութիւն հետախոյզ հետաքրքրութեամբ և անհամբերաբար սկսաւ ի խորս թափանցել առ հասարակ երկնաշին միջոցին, և ամենէն աւելի մեզի մերձաւորագոյն լուսաւորին՝ Լուսնի:

Գալիլէոսի առաջին փորձառութիւնք, Սմերիկայի գիւտին չափ մեծ աղաղակ հանեցին: Հազիւ թէ առաջին դժուարին քայլն եղած էր, իսկոյն անհամբերաբար ուզեցին երկրորդ, երրորդ՝ և այն քայլեր ընել. բայց որովհետև գիտութեանց արդիւնք չի յա՛ղոցեցան ըստ փափաքանաց, և թէ 'ի զուր սպասելով շատ տարիներ անցան, և մարդիկ տակաւին չի կարողացան տեսնել լուսնային քաղաքներ և նոցա բնակիչներ, այն ժամանակ իրենց բորբոքեալ երևակայութիւնն յառաջ գնաց, այլ ևս չապասելով ուսումնական եզրակացութեանց, սաճն ի բերան սլացաւ ի միջոց տիեզերիս: Որոչ արդիւնք եղան անթիւ երևակայական նկարագրութիւնք ճանապարհորդութեանց լուսնոյ և մոլորակաց, յորս շատ վառվառն են ստորագրութիւնք մոլորակային բնակաց, զոր օրինակ օֆայլածուի լերինք զարդարուած են ամենազեղեցիկ պարտէզներով, ուր կ'աճին ոչ միայն պարարտ և ջրաւէտ պտուղներ ի կերակուր ֆայլածուի բնակաց, այլ և զանազան կերակրեղէնք: Երբոր այն տեղի բնակիչք կ'ուզեն ճաշել, բաւական է միայն սեղան գնել, և իսկոյն կ'երևին թաշուկք ծառայողք, որք մտադրութեամբ լսելով հրամաններ, կը թռչին ի լերինս և պէտք

եղած ուտելիք և կերակրեղէն առած կը բերեն նոցա ամենայն դիւրութեամբ ։

Առ հասարակ յերևակայական նկարագրութիւնս՝ այնչափ յառաջ գնացին, մինչև իսկ ուզեցին չափել մարդկանց հասակը . զոր օրինակ, ենթադրելով թէ մարդկանց հասակը համեմատական է մոլորակաց զանգուածոց, կը հետևենէին թէ մարդիկ ի լուսին 1 ոտք կամ 0.8 տասնորդամէզը բարձրութիւն պիտի ունենան . իսկ արևու ընակչաց հասակը 200 ոտք կամ 60 մէզը պիտի լինէր, և այլն ։

Մեծահոշակ ֆէֆլէյ, ևս, քանի որ դեռ չէր գտած իւր անմահ օրէնքները, երկայն ժամանակ նոյնպիսի երևակայական ենթադրութեամբ գրադեցաւ . սակայն մարդկային այս երևակայութիւնը կրնան համարուիլ իբրև սանդղամատունք, որոց վրայ կարելի է ժամանակաւ ելնէ մարդկային հանճար, զոր նախախնամութիւն որոշեր է զայս խնդիր հաստատուն օրինոք լուծելու . իսկ այն ամենայն մանրամասն, զորս ընտրեցինք ՚ի նմանօրինակ վիպաց, իբրև պարզողք առաջիկայ խնդրոյս, կարելի է գնել մի մեծ շրջանակի մէջ, որպէս պատկեր մարդկային երևակայութեանց, որոյ անեզր սահմանէն զըժուարին է լոյս ծագել ։

Արդ այս խնդիրս պէտք է լուծել ոչ ըստ մի միայն տեսութեան, այլ ըստ ամենայն մասանց . օրինակի համար . Պէտք է հետազօտել ի մոլորակս զկեանս և զկենդանիս ըստ մեր երկրիս տեսութեան, համարելով թէ մի և նոյն է և նոցա տարրաբանական գոյութիւնն, նոցա քառակուսի հիւստածոց կազմութիւնն, նոյս աճողութեան օրէնքն, ենթակայ լինել փաստակար ազդեցութեանց, և այլն . երկրորդ՝ պէտք է ընգունել թէ յայլ մոլորակս, ընդ այլ պայմանօք՝ չերմութեան, լուսոյ, եղանակի տարւոյ, տարւոյ երկայնութեան, ցերեկի և գիշերոյ տարբերութեան, ձգողութեան զօրութեան, և այլն, կարելի է աճի և զարգանայ կեանք մի բոլորովին տարբեր, մեզի անհասկնալի, և սակայն ունենայ մերինին նման այն ամենայն հասարակ նշաններ, որով կը տարբերին կենդանին և զգացողն՝ յանգործարան աշխարհէ ։

Թէ այսպիսի ենթադրութիւնք կարելի են, կը հաւատան յաջորդ իրողութիւնք ։ Տասն և հինգ տարի առաջ ուսումնականք ժխտեցին ամենայն կարելիութիւն կենաց և կենդանեաց ՚ի մթութեան և ի խորս ծովու, ապացուցանելով թէ անհնարին է որ կենդանի արարած մի ազրի այնպիսի ճնշման տակ ովկիանոսի խորք . Սակայն վերջի տարիներուս հետազօտութիւնք ապացուցին թէ անհիմն են բոլորովին այն հետևութիւնք . վասն զի ի ձեռն կատարելագոյն գործեաց հանեցին ՚ի խորոց ծովուն, այնպիսի փափուկ և վիթխարի արարածներ, որոց կեանք ընդհակառակն անկարելի է առանց այն ահագին ճնշման ։ Քանի մը տարի առաջ ևս ձկնորսք ովկիանոսի խո-

րէն այնպիսի ձկունք բռնեցին, որ ծովու երեսը մէկ միւնուորտի ճնշմամբ չի կարողացան ապրիլ կաշինին ճաթբառեցան, աչքեր դուրս ցըցուեցան ու չարաչար տանջանօք սատկեցան: Այս ձկունք միայն կրնան ապրիլ ի մեծ խորութիւնս, ուր մեծ ճնշումն կայ և միանգամայն ընդարձակածաւալ ծովային անապատներ, զուրկ 'ի ծովային բուսոց, և որով մեծ կռիւ պիտի ունենան ձկունք իրենց կեանքը պաշտպանելու համար:

Կարծեմ թէ բաւական են յառաջ բերած դէպքերս համոզելու համար թէ կարելի է գործարանաւոր մարմնոց գոյութիւնն յայլ մուրբակս, ոչ միայն ըստ մեր մոլորակին պայմանաց, այլ և ըստ տարբեր պայմանաց, զորս ի վեր անդր յիշեցինք:

Յաջորդ յօդուածով կը տեսնենք աստեղագաշխուժեան և աստեղաբնագիտութեան պատասխանը առաջիկայ խնդրոյս նկատմամբ:

Շարունակելի

Մարաթոնի դիպացուան գերեզմանն. — Պեռլինի լրագրիւններէն մին կ'աւետէ մի հնախօսական հետաքրքրական գիւտ, որ տեղի ունեցել է այս մօտերս Մարաթոնի մօտ: Մարաթոնեան դաշտին մէջ կայ մի բլուր 9 մէդր բարձրութեամբ, որ հին ժամանակէ ի վեր կը համարուէր Մարաթոնեան պատերազմի մէջ անկեալ 492 Աթենացոց գերեզմանը: — Մակայն այս գիւտս ըստ բաւականի տարակուսի մէջ կը ձգէր զմարդս, մտածելով որ Շլէյման ոչինչ գտաւ այն բլուրան վրայ: — Բայց այս ստոյգ է որ վերջի ժամանակներս Յունաց տէրութիւնն, զանազան յաջող պեղմունք ինելով յԱտտիկէ, կարգը հասաւ նաև Մարաթոնեան բլրան, զոր մեծաւ խնամքով հետազօտելով՝ գտաւ Մարաթոնեան պատերազմի քաջաց գերեզմանը: Գետինը այն կողմերը բարձրացած է 'ի հին ժամանակէ 3 մէդրի չափ, ուստի բլուրն ի սկզբան օւնեցել է գրեթէ 12 մէդր բարձրութիւն, և ճիշդ այս խորութեամբ՝ բլրան գագաթին սկսեալ, և գրեթէ 3 մէդր խորութեամբ՝ արդի գետնի երեսէն, գտնուեցաւ քարէ յատակի նման կարգ մի, որ ծածկուած էր մոխրով 2 էն մինչև 8 հարիւրորդամէդր թանձրութեամբ: Այս մոխրոյն մէջ կան դեռ ևս փայտի մնացորդք, սաստիկ քայքայեալ մարդկային ոսկերք և անթիւ կաւէ միջակ անօթներ: Այս անօթներս՝ որք ծածկեալ են սև սև գիմօք վազող մարդկանց նկարներով, անտարակոյս կը վերաբերին 490 թուականին նախ քան զՔրիստոս, որով գերեզմանն ևս՝ որ կը բովանդակէ բազմաթիւ քաջ երիտասարդաց մոխիրներ, կապակցութիւն ունի Մարաթոնեան պատերազմին: Այս գիւտս մեծ օգուտ ունի ոչ միայն ի հաստատութիւն պատմութեան Մարաթոնեան պատերազմի, այլ և նկարչութեան:

Չարմանայի շուրջը մի. — Մօտ ժամանակներս, հռչականուն ամերիկացի՝ լուսորդ Դաւիթ Դալտոն լողալով անցաւ Մանչի ջրանքը, Պուլոյնէն մինչև Ֆուլքսթէյն, այսինքն 60 մղոն (90 վերստէն աւելի) տեղ կտրելով 23 ժամու և 25 վայրկենի մէջ. Դալտոն ազատարար մակոյկէն (Ocean King) ինքզինքը ջրոյն մէջ ձգեց Պուլոյնի փոռնքէն քիչ մը հեռու, և սկսաւ լողալ դէպ 'ի Արգոնոյ փոռնքը կոնակի վրայ, Ազատարար մակոյկն հետը մէկտեղ կ'երթար, և մէջի եղած նաւաստին մերթ ընդ մերթ կու տար լուղորդին զօրանալու համար խաֆտէ բարկօղիով (կօնեակով)։ Օղը շատ գեղեցիկ էր, քաւի ամենեկն չկար և ծովուն երեսը հանդարտ և անշարժ էր։ Հանդերձ այսու Դալտոն մի քանի անգամ հանգիստ առաւ ջրոյն մէջ տաս վայրկենէն աւելի։ Երկրորդ օրը ժամը 4ին երեկոտան դէմ մօտեցաւ Ֆուլքսթէյնի փոռնքը ի մեծ զարմանս և ի մէջ ծափահարութեանց անթիւ բողմութեան, որք ժողովուրդ էին ծովփոռնքը հիացած նորա անման նիւթական ուժոյն վրայ, Հիտը մէկտեղ եկող ազատարար մակոյկի նաւաստին յայտնեց Ֆուլքսթէյնի քաղաքատան որ Դալտոն բոլոր ճամբան կռնրկի վրայ լողաց, բաց 'ի վերջին երկու մղոնէն։ Լողալով մինչև որոշեալ տեղը, Դալտոն բոլորովին ուժաթափ եղաւ և տարուեցաւ նաւամատոյցէն մի մերձաւոր հիւանդանոց, ուր բժշկաց ինձամբով իսկոյն անկողին պառկեցուցին, ծածկելով ցրտէն թմրած մարմինը քանի մի վերմակով։ Դալտոն ի զարմանս ամենեցուն շատ շուտ օթափեցաւ, և այնչափ երկար ժամանակ մնալով հանդերձ պաղ ջրոյն մէջ, ամենեկն հիւանդութեան հետք չզգաց։ Դալտոն 38 տարեկան է, ուժով կազմուածքով և վերջին 20 ամաց մէջ ստէպ վարժութիւն կ'ընէր լողալով Ատլանտեան և Խաղաղական ովկիանոսաց մէջ, Ամազոնի և Միսիսիբի գետերու մէջ, ինչպէս նաև մշտատատան Բիսկայան ծոցին մէջ։ Երեք տարի առաջ միտքը դրած էր կռնրկի վրայ լողալով անցնիլ Մանչի ջրանցքը, և այս նպատակաւ եկաւ ի Ֆուլքսթէյն, ուր երեք ամիս փորձեր ըրաւ միտքը դրածը կատարելու։ Ոչ մի լուղորդ նորա չափ մեծ միջոց լողալով անցեր է։ Մի նաւապետ Բէս անունով, որ կորսուեցաւ Նիակարայի հոսանաց մէջ, լողալով անցաւ Մանչի ջրանցքը Գուվրէն մինչև ի Քալէ 24 ժամու և 15 վայրկենի մէջ։

Ելեկտրականուշքիւն ճառոց հարման հարմար. — Կալիֆոնի մեծամեծ անտառաց մէջ ծառոց հատման համար ելեկտրականութիւն կը գործածեն։

Անուշ փայտերուն համար գործիքն է փղըր գչիր մը՝ որ ունի շարժում մը երթի և դարձի, և շարժում մը հղովման ի ձեռն ելեկտրական փղըր շարժիչ գործուոյ։

Գործիքն կը դնեն կառքի մը վրայ, որ կրնայ դառնալ ուղղաձիգ առանցից վրայ, զոր կը հաստատեն ծառին կոճեղ վրայ:

Գործիքին սուր ծայրն աղեղ մը գծելով կոճեղ վրայ ճեղք մը կ'ընէ, Յետոյ գործիքը առաջ կը մղեն ճեղքն ի խոր մեծցնելու համար, մինչև որ կոճեղ տրամագիծին հասնի. և նոյն ատեն սեպեր կը դնեն ճեղքից փակումն արդիւլու համար. և կ'անցնին հակառակ կողմն և նոյն գործը կը կատարեն, մինչև որ երկու կողմանց ճեղքն գրեթէ իրարու հանդիպի:

Գործը կը կատարեն ամենայն կարևոր զգուշութեամբ, տապար և սրոց ունենալով ի միասին. և այս ամենայն կը կատարուի խիստ քիչ ձեռաց աշխատութեամբ:

Արճաքահանքի մը զարմանալի գիշտը: — Այս ժամանակներս՝ յորում այսպիսի կը խօսուի արծաթի նուազութեան վրայ՝ անշուշտ հետաքրքրական է հետևեալ դէպքը:

Արքէնէսի Լայթը Գուքէն արծաթահանքի մը գիւտին լուրը կը լըսենք՝ բայց այնպիսի պարագայից մէջ՝ զորս արժան է յիշատակել աստ: Յիշեալ գաւառին բնակիչ մը ճոն Մաք Ատամ, զրամանենցութեան քրէական յանցանաց համար հինգ տարուան բանտարգելութեան դատապարտուեր էր, իրեն գէմ եղած դատաստանին մէջ ի մացուեցաւ՝ որ Մաք Ատամի շինած զրամները ամենազուտ արծաթէ էին, և արծաթին քանակը տէրութեան արծաթէն աւելի էր. դատաւորները չէին կրնար իմանալ պատճառը:

Արդ քիչ վերջը յայտնի եղաւ՝ որ յանցաւորը արդէն գտեր էր արծաթահանքը՝ և իր պիտոյից համար կը գործածէր: Մաք Ատամ թողուց որ զինքը դատապարտեն՝ առանց գաղտնիքը յայտնելու. պատժոյն որոշեալ ժամանակը լմննալէն վերջը՝ տուն դարձաւ, և իւր առաջին գործն եղաւ այցելել արծաթահանքին, և զտաւ զայն ճիշդ ինչպէս որ թողուցեր էր:

Յետոյ տեսնելով որ իրեն շահուողը չէր այսպէս գործածելը՝ որոշեց յայտնել զայն հարուստ սեղանաւորաց՝ բայց պայմանաւ որ զինքն ալ ընկերակցութեան մէջ գրեն:

Ընկերութիւնը արդէն ձեացած է, քիչ ատենէն աշխատութիւնը պիտի սկսին. այս արծաթահանքը ցարդ գտնուածներուն մէջ՝ ամենէն հարուստն է:

Կապիկք և հոշտը: — Պ. Ռոմանէսի թղթակից մը՝ վերջին ատեններս Ստէնլինի նոր գրոց վրայ դիտողութիւն մը կ'ընէ, յորում երևելի ճանապարհորդը կ'ըսէր, վկայութեամբ Էմին փաշայի՝ որ Մըզանկվայի անտառին շիմառնզէք ջահեր կը գործածեն իրենց գիշերային արշաւանաց մէջ:

Սակայն այս առաջին անգամը չէ. ուրիշ բնագատումք և գիտողք ալ այս ժանօթութիւնս ըրեր են, բայց թերևս ցարգ գիտնական աշխարհի անծանօթ մնացեր են:

Պ. Տէլլի Հըքսէյի հոգեբանական հոշակաւոր գործոյ մը յառաջաբանին մէջ հրոյ վրայ կը խօսի. կ'պատմէ քանի մը ճանապարհորդաց տեղեկութիւններն՝ որք կը հաստատէին՝ թէ տեսեր են նոր աշխարհին մէջ տեսակ մը կապիկներ՝ որ հրոյ գործածութիւնը գիտեն: Այս անորոշ և բնդհանուր ժանօթութիւնը կը յիշենք՝ յուսալով որ այս խնդրոյն մէջ կրնայ մեզի առաջնորդել:

Պ. Վիրի ալ իր բնական պատմութեան կապիկ յօդուածին մէջ կը յիշէ որ « Շատ տեսակք կապկաց իրենց սորվեցուցած ամէն բաները կը սորվին, օրինակի համար, ջուր բերել, փայտ կրել, անօթ լուալ, կրակ վառել » և այլն և այլն... Եւ 'ի հաստատութիւն իւր ըսածին կրանփրէ սպային Ափրիկեան ճանապարհորդութեան դէպք մը կը յիշէ:

« փուռը կը տարցունէր. ուշադրութիւն կ'ընէր որ չըլլայ թէ դիպուածով ամուրիի կտոր մը վար իյնայ և հրդեհի պատճառ ըլլայ. ջերմութեան չափը ամենայն սրամտութեամբ կը կանոնաւորէր, « երբ ճիշդ հարկաւոր եղած աստիճանը հասնէր՝ կ'երթար հացագործը կը կոչէր, որ իր կենդանոյն սրամտութեան վրայ ըստ ամենայնի վստահ՝ անհոգ էր յայտ մտասին, և կապիկն ազգարարութենէն վերջը իսկոյն կը փութար փուռը ձգելու հացերը կամ կարկանդակները. բազմաթիւ ամաց ընթացքին մէջ, այս հացագործը ամենևին չի յիշեր որ կապիկը կամ սխալած և կամ խաբած ըլլայ »:

Յիրաւի այս կապիկը ընտանեցած էր, սակայն ականատես մը կը պատմէ մեզի՝ որ ուրիշ կապիկ մը ճիշդ նոյն պաշտօնը կը կատարէր հարուստ տան մը մէջ. այսինքն առաւօտը կանուխ ձմեռ ժամանակ կ'ենէր և բոլոր կրակարանները կը վառէր՝ իբր տանը սպասուորը ըլլար:

Փայպուղի (tunnel) Սէն-Գլէրի. — Սէն-Գլէր գետին ի լայնութիւնն շինուած փայպուղին, ի մէջ Հիւտտոնի և Սաւնիայ, աշխարհիս վրայ քան զամէնն երկայն փայպուղին է գետի տակ, և գործ է այս Ամբրիկոյ մեծահաշակ ճարտարապետաց միոյն: Երկայնութիւնն է 6 քիլոմէտր, և բոլորովին երկաթեայ է շինութիւնն առանց քար մը կամ կղզիտար գանուելու այս շինուածոյս մէջ: Պարզ խողովակ մ'է կամ կռածոյ երկաթի 6 մէտր տրամաչափով, որուն օդը կը փոխեն շոգեշարժ մեքենայիւք, ջերմացնելով շոգուով և ելեկառական լուսով կը լուսաւորեն: Երեքտասան ամիս աշխատեցան 600 գործաւորը այս երկայն փայպուղուոյն անցքն փորելու համար, որուն շինութիւնն ար.

ժեց 2,000,000 տոլար (10,000,000 ֆրանք) : Կռածոյ երկաթին թիթեղք որ զխողովակն կը կազմեն այնպէս հատեալ են որ երեք տասան թիթեղք և մետաղական մաս մը՝ որ զբանալին կը կազմէ, խողովակին շրջապատն կը լեցընեն :

Խւրաքանչիւր օղակն կատարեալ 14,150 իպրէ (7,000 քիլոկրամ) կը կշռէ և պէտք եղած է 3800 հատ, ուստի և համօրէն կշիռն է 25,000 հազարադրամ (tonne) :

Արդ այս հռչակաւոր փապուղոյն շինութիւնն առաւելապէս Պ. Հոպսոնի ընծայել պէտք է :

Աշխարհիս մեհնարոյն ժամացոյցն. — Քիչ ատենէն պիտի հաստատեն ֆիլատելիոյ Ոթէլ տը վիլի աշտարակին մէջ ժամացոյց մը որ լրանալու վրայ է, և որոյ հաւասարն չկայ յաշխարհի, ժամացոյցին երեսն պիտի ունենայ տասն մեզր տրամադիժ և գիշերն ելեկտրականութեամբ պիտի շուսաւորուի և այնպիսի բարձրութիւն պիտի ունենայ որ քաղքին ամէն կողմէն տեսանիլի ըլլայ : Վայր՝ ենացոյց ասելն 4 մեզր երկայնութիւն և ժամ ցուցընողն 2ճ,50 պիտի ունենան : Չսնդակն որ պիտի զարնէ 25,000 քիլոկրամ պիտի կշռէ և յամենայն կողմանց քաղքին լսելի պիտի ըլլայ : Իսկ դաշնակաւոր զանգակներ պիտի հնչեցնեն քառօրոյն, կէս ժամն և երեք քառօրոյն :

Այս հսկայամարմին ժամացոյցին լարելն պիտի կատարուի ամէն որ շոգեշարժ մեքենայի ձեռօք որ աշտարակին մէջ դրուած է :

Լաբըսդայի ոչխարաց յիւրոպս մոշոքն. — Լիվրբորլի վաճառական մը յորդորեալ Արճէնթինայի Հասարակապետութեան հիւպատէն, ուղղակի Լարլադայէն 300—400 ոչխար բերել տուաւ :

Փորձն լաւ յաջողեցաւ, վասն զի տասը հատ միայն ֆլասուեցան ճամբորդութեան միջոց, և մնացածներն երբ հասան, կրկին գնով վաճառուեցան սառուցի մէջ պահեալ ոչխարներու միսէն աւելի զորս կը բերեն : Պուէնոս Այրէսէ եկած շոգենաւներն՝ ցրտացուցիչ սենեկաց մէջ պահելով :

Այս յաջողութիւնս անտարակոյս զրգիւ պիտի ըլլայ ուրիշ վաճառականաց ևս նոյնպէս ընելու, որ և մեծ շահու առիթ պիտի ըլլայ անդ զիպցի վաճառական շոգենաւուց :



Հ Ա Յ Կ Ա Կ Ա Ն Ք

Հայ-Վենետ	369
Բանաստեղծիւն Գէղա խաղացւոյն	376
Մասիք	385

Բ Ա Ն Ա Ս Ի Ր Ա Կ Ա Ն Ք

Աւետարանի աշխարհագրութիւն	390
Ոսկեծաղիկ կամ Նարդին	395
Սմեթիկայի գաղթականութիւնք	399
Վլաս Կառնիացի	401

Գ Ի Տ Ա Կ Ա Ն Ք

Բնակելութիւն Մուրրակաց	407
Մարտնի գիւցազանց գերեզմանն	411
Զարմանալի լուզորդ	412
Մառոց Հաաուսն ելեկարականութեամբ	»
Արծաթաշանքի մը գիւտը	413
Կապիկը և Հուր	»
Փապուզի Սէն-Գլէրի	414
Աշխարհիս մեծագոյն ժամացոյցն	415
Լճըլագայի ոչխարք	»

ՆԵՐԿԱՅ 1890 ԹՈՒՒՆ

«ՄՇԱԿ»

ԳՐԱԿԱՆԱԿԱՆ ԵՒ ՔԱՂԱՔԱԿԱՆ ԼՐԱԳԻՐ

Կը հրատարակուի Թիֆլիսում, նոյն դիրքով եւ նոյն պրօզրամայով:

«ՄՇԱԿ» տարեկան գինն է 10 ռբ.

Վեց ամսուանը 6 ռբ.

Հասցէն՝ Tiflis, Rédaction du journal arménien «MSCHAK».

Խմբ. - Հրտր. Գ. ԱՐՇՐՈՒՆԻ

1890 ԻՆ

ԻՆՆԵՐՐՈՐԴ ՏԱՐԻ

«ԱՐԶԱԳԱՆՔ»

ՇԱՔԱԹԱԹԵՐԹՆ ՊԱՏԿԵՐԱԶԱՐԴ

Տարեկան բաժանորդագինն է 10 ռբ.

Կէս տարուանը 6 ռբ.

Հասցէն՝ Tiflis, Rédaction de la Revue «ARDZAGANG».

Խմբ. - Հրտր. ԱՔԳԱՐ ՅՈՎՀԱՆՆԻՍԵԱՆ

ՆԵՐԿԱՅ 1890 ԹՈՒՒՆ

«ՄՈՒՐՃ»

ՔԱՂԱՔԱԿԱՆ - ՀՍՍԱՐԱԿԱԿԱՆ - ԳՐԱԿԱՆ

ԱՄՍԱԳԻՐԸ

«ՄՈՒՐՃ» տարեկանն է 10 ռբ.

Կէս տարուան 6 ռբ.

Հասցէն՝ Tiflis, Rédaction de la Revue «MOURDJ».

Խմբ. - Հրտր. ԱԻԵՏԻՔ ԱՐԱՍԻԱՆԵԱՆՅ

«ԱՂԲԻՒՐ»

ՄԻԱՄՍԵԱՅ ՊԱՏԿԵՐԱԶԱՐԴ ՀԱՆԴԷՍ

(ԵՐԵՒԱՆԵՐԻ ԵՆ ՂԱՍՏԻՊԱՐԱԿՆԵՐԻ ՏԱՄԱՐ)

ՈՒԹԵՐՈՐԴ ՏԱՐԻ, 1890

«Աղբիւրի» տարեկան բաժանորդագինն է 3 ռբ.

Հասցէն՝ Tiflis (Caucase), Rédaction de la Revue «AGBUR».

Խմբ. - Հրտր. ՏԻԳՐԱՆ ՆԱԶԱՐԵԱՆ

ԳՈՐԾԱԿԱԼՈՒԹԻՒՆՔ

ԲԱԶՄԱՎԷՊ ՀԱՆԿՒՍԱՐԱՆԻ



Կ. ՊՈԼԻՍ.	Ղալաթա. Սեղոս խան. Գրասենեակ, Թիւ 3.
ՏՐԱՊԵՏՈՒՆ	Մխիթարեան վարժարան:
ՊԱՐՏԻԶԱԿ	Մխիթարեան վարժարան:
ԹԼՈՒՈՍԻԱ.	Մեծարզոյ Հ. Քերովրէ վ. Քուշերեան:
ՍԻՄՖԵՐՈՊՈԼ	Մեծարզոյ Հ. Նիկողայոս վ. Զիզի:
ԿԱՐԻՆ	Մեծապատիւ Կարապետ էֆ. Սրապեան:
ՏՓՂԻՍ	Մեծապատիւ Պ. Յովակիմ Զաթարաչեան:
ՌՈՒՍՃՈՒՔ.	Մեծապատիւ Լեւոն էֆ. Յ. Մինասեան:
ՍԵՐԱՍՏԻԱ.	Մեծապատիւ Յ. էֆ. Բարունակ:
ԱԼԼԵՍԻԱ	Մեծապատիւ Պ. Մկրտիչ չուլարտեան:
ՄԱՐՍՈՒԱՆ	Մեծապատիւ Յոհան. Թ. էֆ. Գայայեան:
ԱՏԱՆԱ	Մեծապատիւ Պետ. էֆ. Ուրֆալեան:
ԱՄԱՍԻԱ	Մեծապատիւ Բարունակ էֆ. Բարսեղեան:
ՌՈՍՏՈՎ (ԳՈՒՆ ՎՐՈՅ).	Մեծապատիւ Պ. Միքայէլ Թիմիսեան:
Ն. ՆԱԽԻԶԵՒԱՆ	Մեծապատիւ Պ. Սերովրէ Զաթարաչեան
ԱՍՏՐԱԽԱՆ	Մեծապատիւ Պ. Ստեփան Պ. Սերբերակեանց

ՊԱՅՄԱՆՔ ԳՈՐԾԱԿԱԼՈՒԹԵԱՆ

1. Ամենայն ոք որ փափաքի Բազմավէպ Հանդիսարանի գործակալութեան իրաւունք ստանալ, Հարկ է որ առ նուազն՝ հինգ բաժանորդ գտնէ:
2. Բազմավէպ Հանդիսարանի Տեսչութիւնն առ 'ի փոխարէն գործակալաց ցուցած վաստակոց, կը շնորհէ նոցա 30% զեղջ իւրաքանչիւր բաժանորդագանոյ վրայ, և ձբի օրինակ մ'եւ՝ ոքք տասն բաժանորդ կը գտնեն:
3. Բազմավէպ Հանդիսարանի Տեսչութիւնն իւր վրայ կ'առնու առ իւրաքանչիւր գործակալու ուղարկելիք օրինակաց շանապարհի ծախքը:

ԻՄԲԱԳՐՈՒԹԻՒՆ
ԲԱԶՄԱՎԷՊ ՀԱՆԿՍԱՐԱՆԻ

ԿՆՆՆԱՆԱՐԱՆՈՒԹԻՒՆ, աշխարհարատ գասագիրք, զարգարեալ ԿԻՑ գե. զեցիկ պատկերաք, յօրինեալ 'ի Հ. Պ. Գաֆթան	Ֆռ. 2 50
ԲՈՒՅՐԱՆՈՒԹԻՒՆ } գասագիրք պատկերազարդ 'ի Հ. Հ. Սափարեան } ԵՐԿՐԱՆՈՒԹԻՒՆ }	» 2 50
	»
ՊԱՅՄՈՒԹԻՒՆ ՀԱՅ ՄԱՆԱՎՈՒԹԵԱՆ ընդարձակ, երկրորդ ապագրու. Թիւն, բազմաթիւ կարեւոր փոփոխութեամբք և յաւելուածովք	» 5 —